

Beke ya Bomasomešupa ya Daniele

 Ke a go leboga, kudukudu, Ngwanešu Neville. Moso wo mobotse, bagwera. Ke monyetla go ba morago fa ka tabarenekeleng gape mosong wo, go tšwetšapele Molaetša wo mogolo wo woo re lekago go o hlaloša, ye *Beke Ya Bomasomešupa Ya Daniele*. Gomme re thabile go bona ba bantši bjalo bao ba kgobokanego ntle mo letšatšing le le fišago le, gomme efela re maswabi gore ga re ne sekgoba sa go dula. Go bona batho ba ba pakelanego mmogo ka mokgwa woo le go ema tikologong, go go dira go se hlamatsege. Gomme go se be go dudišega boka le swanetše, go e dira thata go nna go kwešiša. Eupša re tla dira se sengwe le se sengwe seo re ka kgonago go e dira ka pela.

² Gomme—gomme, lehono, ke a holofela gore le tla, ge nka telefala gannyane, gore le tla ntshwarela, gobane ye ke nako ya go kokotela fase ga Molaetša wo, yona nako go o kokotela fase. Re o beile ka mananeo a mararo gore re kgone go ba le kgontha go o hwetša.

³ Bjale, nneteng, phu—phu phuthego ye e bonalago e a tseba gore ye, goba Melaetša ye, e a theipiwa. Gomme e romelwa gohle go dikologa lefase. Ka kgonagalo setšhaba se sengwe le se sengwe se amogela ditheipi tše go dikologa lefase. Gomme ke tla rata go bolela se go batheeletši ba theipi, e ka ba kae o lego, karolong efe ya lefase o lego ka go yona, gore go ka ba le dilo ka fa tše o ka se dumelelanego le nna godimo ga dithuto tše o ke—ke di dirago. Eupša ke tla rata go bolela, baena, mohlomongwe, gore ge o ka e hlaloša ka tsela ye o e bonago, go ka no ba go fapana go se ke tla se dumelago. Eupša, ke tla thakgala go theetša se o swanetšego go se bolela.

⁴ Gomme ke ka kgopolo yeo ke tlišago Melaetša ye, go tšwa . . . Lentšung la Modimo, ka pelong ya ka. Ke bakeng sa go godiša Kereke, bakeng sa Kereke yohle, Kereke tšekelele; Kereke ya Kriste, tšekelele. Gomme ka kgontha ke dumela gore re phela mo matšatšing a mafelelo. Gomme maiteko a ka go hlaloša se, gomme efela e se go e dira, go e kgorometša, ka tsela ye nngwe goba ye nngwe. Ga se nke ka ba molato, bjalo ka ge ke tseba, wa go dira seo.

⁵ Makga a mantši batho ba kwa go tšwa ditheiping, gomme ba re, “Gabotse, ke ganana le seo. O no se tsebe thuto ya gagwe, ga a tsebe Lengwalo.” Gabotse, seo, seo se ka no ba therešo sohle. Le a bona? Nka se re seo ga se therešo.

Eupša, go nna, ke—ke ithuta Lona, e sego go tšeа mantšu e ka ba afe—e ka ba afe . . . Ke bala se banna ba bangwe ba swanetšego go se bolela, le go ba thabela. Se sengwe le se sengwe seo e ka ba mang a se bolelago, ke a se thabela. Eupša morago—morago ke se iša go Modimo, gomme ke ema le sona go fihlela ke kgona go se hlaloša, go tloga go Genesi go ya go Kutollo, gomme morago go se bona sohle se tlemagana ka Beibeleng. Gomme gona ke—ke a tseba se felotsoko kgauswi le nnete. Gomme, nnete, moo o nepilego, go no ba lefelo le tee moo ke arogilego go mo—mo mothalo gona. Gomme mohlomongwe moo o phošitšego, goba o nepilego, ke moo ke arogilego mothalong, le go fapakana.

⁶ Kafao, re a le thabela bohole ba lena batho ba bakaone bao ba lego fa ka go batheeletši, mosong wo, le bakeng sa lena batho ba bakaone ba le kwago ditheipi tše. Gomme re . . . Tšohle tšeо di dirwago, ke tšohle bakeng sa Mmušo wa Modimo. Ke ne bagwera ba bantsi ba bakaone go kgabaganya lefase, bao ke ba thabelago gagolo kudu, gomme ke dumelago gore ke tla ja Bokagosafelego le bona. Gomme go ka se be ka pelong ya ka go leka go—go fora batho bale, le ka mokgwa ofe, eupša go leka go tliša go phethagaleng se sengwe le se sengwe seo ke kgonago go ka ba thuša.

⁷ Ke ikwela boka Salomo a dirile ge a rapetše, gomme o rile, a mo fe bohlale gore a ke a kgone go etapele batho ba Modimo. Yeo ke thapelo ya ka ya go hlomoga.

⁸ Badirišane ba ka le nna fa, go dikologa, ke bona Ngwanešu Mercier, le—le Ngwanešu Roy Borders, le Ngwanešu Neville, le Billy Paul, morwa wa ka. Gene o fa felotsoko, le baena, Teddy, le bona. Ke thabela batho bohole ba ba tlago go nthuša.

⁹ Ke elelwa fa e se kgale kudu, Ngwanešu Leo, po—po pono yeo a bilego le yona; toro, o e biditše, bošego bjo bongwe ge la mathomo re kopana; gore o bone ntlhora ye kgolo ya phiramiti, godimodimo ka sebakabakeng. Gomme ke be ke le godimo fale ke rera, felotsoko, gomme o nametše godimo go bona se e bego e le mabapi le sona. Gomme ge a fihlile godimo fale ka godimo ga ntlhora ye, gobaneng, o rile, kgolekgole ka go mohuta wa seetsa sa go bogega bosilibere, goba boka phaphathi ya leswika, ke be ke eme, ke rerela batho. Gomme o gogile šedi ya ka, gomme ke lebeletše go mo dikologa. Gomme o rile, “O tsogile wa fihla bjang fale? Nka kgona bjang go fihla fao?”

¹⁰ Ke rile, “Leo, ga a gona a kgonago go tla fa. Modimo o swanetše go tliša motho fa. Bjale, ga wa swanelia go tla godimo fa. O swanetše go ya tlase le go hlatsela go batho ba tlase fale, ka morago ga ge o e bone, gore ke Therešo, gore Yeo ke Therešo.” Leo o namela morago go theoga, go hlatsela go batho.

¹¹ Yeo e bile kgale gakaakang, Ngwanešu Leo? Mengwaga ye mmalwa, a ga se? Mengwaga ye mmalwa. Ge e sa le nako yela, bokgole bjo ke tsebago, o bile go botega go dira seo, a hlatsela

go batho gore bodiredi bo tšwa go Modimo. Bjale, gomme ga—ga ke nyake e etšwa go nna. Ge eba e tšwa go nna, gona ga ya loka, gobane ga go ne go loka ka go motho. Le a bona? E swanetše go tšwa go Modimo.

¹² Bjale, ge ke lebelela tikologong . . . Maabane morago ga sekgalela, ke šikintše diatla le mogwera wa ka, Ngwanešu West. Ga se eso ka mo itia ka ntaka, ka moagong; ee, ke a dira bjale, mosong wo. Gomme le a tseba ke bokgole bjo bokae bona batho ba otlelago, tsela yohle go tloga tlase ka—ka Alabama, ka Lamorena, go tla fa, go tloga tlasetlase ka Alabama!

¹³ Ngwanešu Welsh Evans, ke mo hlokile Lamorena la go feta. Yo mongwe o rile o be a le gona lehono. Bona batho ba otlela go tloga Tifton, Georgia, go ba fa. Le ngwanešu a dutšego fa, badirišane ba gagwe. Ba bantši kudu! Ngwanešu Palmer go tšwa Macon, Georgia. Gomme ke bona, ke a dumela, Kgaetšedi Ungren le bona morago fale. Ba tsela yohle go tšwa Memphis, Tennessee. Bjale, le nagana . . . Le ba bangwe go tšwa mafelong a mangwe. Sa tšo kopana le mohumagadi ka fa go tšwa godimo, godimodimo ka South Carolina.

¹⁴ Bjale, le nagana gore batho fa . . . Ke be ke lebeletše godimo, go tšwa Chicago, le feela mafelong a go fapano, ba otlela makgolo le makgolo a dimaele, go no ba ka tirelong. Gona, ge ba fihla fa, ga go sekgoba go dula fase. Ga go kamora ya sefehlamoya; moago wa kgale wa go fiša, go ema ka go ona, ba phumola kudumela. Ba tsea tšelete go tšwa tafoleng, go tšwa go bana ba bona, go tla fa go theetsa Molaetsa wola. O ra go mpotša ga go ne . . . mošola wa moela wo, felotsoko, gore ga go lefelo ba yago, le lengwe la matšatši a? Kgonthé, le gona. Bjoo ke bobotegi! Batho bale ke balefi ba karolo ya lesome. Ga ba tle feela, ba tliša karolo ya lesome le meneelo ya bona, le go e tliša ka ntlong ya Morena, ba leka go dira se selokilego. Modimo ka go huma a šegofatše batho ba go botega boka bao! Kgaogelo le mogau wa Modimo di be le bona.

¹⁵ Ke bona mogwera wa ka, Charlie Cox, bale go tšwa tlase ka borwa bja Kentucky. Le feela mogohle, o lebelela tikologong, o bona batho go tšwa mafelong a go fapano.

¹⁶ Lesogana le le dutšego fa, ga ke kgone go bitša leina la gagwe. Ke kopane le yena ka Chicago. Eupša o tšwa go sekolo tsoko sa Beibele kgole go tloga fa, felotsoko, a ga o? [Ngwanešu o re, “Springfield, Missouri.”—Mor.] Springfield, Missouri; sekolo sa Beibele sa Assembly of God. Ya. Gabotse, go kaone. Le a bona, ba tšwa mogohle, ka go kereke ye nnyane nthathana ya kgale.

¹⁷ Nno naganang, e ka ba, mengwaga ye masometharo ya go feta ge ke beile letlapakhutlo mosong wola, ke be ke eme godimo fale go Seventh Street, poloko e tee kgojana. Ebile ke be ke se šo ka nyala, feela lesogana. Gomme ke bone pono ya batho ba pakelane le go pitlagana ka fa go tšwa mogohle. Gomme ke be

ke thabile kudu, ke eme ka morago ga phuluphithi. Gomme ke mola A mpoditše, “Eupša ye ga se tabarenekele ya gago.” Gomme O mpeile fase ka tlase ga mafaufau. Gomme le tseba kanegelo ka moka ye e ngwadilwego letlakaleng la Beibele le letšego ka go letlapakhutlo fale.

¹⁸ Ke leboga kudu bakeng sa lena batho. Ga ke . . . Yeo, yeo ke ye nnyane kudu, go—go no re, “Gabotse, ke a le leboga.” Eupša ke a le rapediša. Ke dumela go lena. Ke dumela go maitemogelo a lena a Modimo. Ga ke dumele gore monna goba mosadi a ka otlela makgolo le makgolo a dimaele go tla fa, go bontšha ke mohuta ofe wa diaparo ba o aperego. Ga—ga ke nagane ba ka dira seo. Aowa. Ba ka se tle fa feela go bonwa. Ba tla fa gobane ba ka go teba le ka go hlomoga bakeng sa phološo ya disoulo tša bona. Thapelo ya ka ke: “Modimo nthuše, nthuše go no ba bonnyane seripa sa go hlomoga goo, go leka go ba direla ka tšohle tše di lego ka pelong ya ka, le go lebelela go Modimo.”

¹⁹ Molaetša, le a bona, mosong wo, o thadilwe fa mo letlapeng fa. E no ba feela go dira, go hlaloša ge ke eya pele, go leka go dira gore le ke le kwešiše se ke lekago go bolela ka sona.

²⁰ Gomme ye *Dibeke Tše Masomešupa Tša Daniele* e bile go ithuta go gongwe go gogolo, matšatši a mabedi le mašego a mabedi, go nyakile, ke bile, mo mafelelong a beke, ke bile go yona, ke leka go hwetša ke mantšu afe go a bolela bakeng sa Therešo. Go swanetše go bapela le Beibele ka moka. Le a bona? O no se kgone go Le tše, feela Lengwalo le tee le lennyane le go dira kwe—kwe kwešišo, gomme morago wa re, “Gabotse, se ke se se se se bolelago,” gomme wa retologa gomme wa re, “Gabotse, eupša godimo fa Le—Le bolela se sengwe gape, go ganetša *le*.” Ga le kgone go dira seo. Le swanetše go bolela selo sa go swana nako yohle. Ge o sa dire, gabaneng, leo, gona o—o phošo. Gomme yeo ke tsela ye ke lekilego go Le ruta.

²¹ Galeng, go ditheipe, go beng go ditheipeng, tshwaswalatšo ye kgolokgolo ke nago ditheiping, ya baena ba ka ntle ka dikarolong tša go fapano tša lefase, ke go dumeleng ka go kgaogelo ya Modimo, yeo ke e rutago ka tsela ye ke dirago, gore, “Re kgethetšwepele pele ga motheo wa lefase.”

²² Baena ba ka ba Pentecostal, ka nneta, ke a tseba gore mebono ya lena ke ya bomolao, le a bona, gomme ke—ke a tseba go nyamiša gannyane go mmmono wa lena. Eupša a o ka, bjalo ka ngwanešu wa Mokriste, a o ka no efa kelohloko go lekanela go ya matolong a gago pele ga Modimo, ka Beibele ya gago, gomme wa kgopela Modimo go go hlalošetša yona? A o ka dira seo? A o ka tšeа ntlha ya bomolao gomme wa leka go e dira e kgomagane go tloga go Genesi go fihla go Kutollo?

²³ Gomme, “Peu ya sephente,” yeo ke mmolai; batho ba bantši ga ba dumele go yeo. Eupša, ge o ka no bala ka go Genesi, Beibele e boletše gore sephente e bile le peu. “Gomme ke tla bea bonaba

magareng ga peu ya sephente le Peu ya mosadi.” Kafao, sephente e bile le peu. Gomme ge eba peu ya sephente e be e le ya semoya, gona Jesu o be a se motho, kafao Peu ya mosadi e be e le ya semoya. Bobedi ba bile le dipeu, gomme bonaba bo sa le fale. Sephente e bile le peu. Gomme ge o ka no tšea Beibele ya gago, gomme wa ya tlase le go hlomoga pele ga Modimo, ke a dumela Modimo o tla e utolla go wena.

²⁴ Gomme ge o sa e kwešiše, ke—ke gona, nako e ka ba efe, go dira bokaonekaone bja ka go go thuša, ka lengwalo goba ka—goba ka poleloniyakišio ya sebele, goba e ka ba eng yeo nka kgonago go e dira go go thuša. Nnete, re lemoga gore seo ga se phološe motho, ga e šita ga e ahlole motho, eupša e no tliša Seetša godimo ga taba yeo re lekago bohole ka thata kudu go dira batho go e bona. Le a bona? E no tliša Seetša.

²⁵ Bjale, go batheeletši bao ba bonwago, ke boletše se gobane ditheipi, le a bona, gomme ditheipi tše di ya gohle, mogohle.

²⁶ Bjale a re inamišeng dihlogo tša rena feela nakwana, pele re batamela Mongwadi wa Lentšu le. Gomme ke ba bakae ka go batheeletši mosong wo ba hlokago, ba no rego, “Ke a hloka. O Modimo, nkgaogelete”? Morena a šegofatše. Gomme go bale ba tla kwago theipi ye, ge le ekwa, anke Modimo a fe kgopelo ya lena.

²⁷ Tatawešo wa Legodimong, re batho ba ba lebogago, efela batho ba se nago maswanedi. Eupša re batamela Terone ya Gago ya mogau mosong wo, ka lebaka la gore re laleditše go tla. Jesu o rile, “Kgopelang Tate e ka ba eng Leineng la Ka, Ke tla e dira.” Bjale, re a tseba gore seo ke therešo.

²⁸ Gomme fa ka go batheeletši, le ntle ka na—na nageng moo ditheipi di tla yago, go tla ba ka kgonagalo masomesome a dikete a Bakriste ba ba tswetšwego gape ba tla kwago ye. Gomme re a tseba, Tate, ge re tswalwa gape, gore moyo wa rena o tswalwa go tšwa Godimo. Ke Moya wa Modimo, Moya wo Mokgethwa, godimo ga rena. Gomme re a lemoga gore Moya wo Mokgethwa wola o maatlaohle gomme o kgona go re direla e ka ba eng seo se hlologelago go dirwa. Gona, Tate wa Legodimong, re tla Go kgopela go lokolla tumelo ya rena go Moya wola, gore O ke o kgone go re hweletša mosong wo, le bakeng sa letago la Mmušo wa Modimo, dikgopelo tšohle tše le ditlhologelo, gore re ke re fodišwe go malwetiša a rena le ditlaišego tša rena, gore re ke re direle Modimo wa rena ka tšohle di lego ka go rena.

²⁹ Bula ditsebe tša rena tša kwešišo lehono, gomme bjalo ka ge ke itekela go tliša potšišo ye kgolo ye le go e hlakiša megopolong ya batho. Bjale, ke ne yona e ngwadilwe fa, Morena, godimo ga letlakala, le gape go thalwa godimo ga letlapa le, tšhate ye, eupša ka go felela go se lekanele go e hlaloša. Bjale re a Go bitša, Makgone yo mogolo Yo a ngwadilego Lentšu, Yo a Le šušumeditšege, Yo a Le filego moprofeta Daniele. Gomme re rapela gore O tla romela tšhušumetšo mosong wo, mo matšatšing

a a mafelelo, bjalo ka ge A rile Puku e tla tswalelwa go fihlela nako ye, gore O tla bula dikwešišo tša rena. Gomme anke go be le tumelo ya go bososela ka pelong tša rena yeo e tla dumelelago Lentšu go swareletša le Bophelo, le go tliša mehlare ya toko ka maphelong a rena, leo Le diretšwego go dira. Tumelo ya rena ka go Modimo, anke e re hweletše seo mosong wo. Gobane re letile ka go kokobela bjale, le go gafela renabeng go Wena, Leineng la Jesu Kriste. Amene.

³⁰ Bjale, re thabile bakeng sa moso wo, bakeng sa monyetla wo mokaone gape go bula maphephe a a Lentšu la Gosafelego la Modimo.

³¹ Bjale, lebaka leo ke tšerego godimo ga nnamong go leka go hlaloša se, ke ka gobane re ya go kgabola Puku ya Dikutollo, gomme re no tla go kgabola mabaka a šupago a kereke. Gomme, gona, mo bofelong bja tema ya 3 ya Puku ya Dikutollo, Kereke e tlošitšwe lefaseng, godimo ka Letagong. Gomme ke leka, ka pelo ya ka yohle, go tliša se go batho, gore ba letile se sengwe go direga, gore ba bona go ngwadilwe ka Pukung ya Dikutollo, ge e be e sa amane le lebaka la kereke. Gomme re kgauswi le bofelo go feta le nagana.

³² Mašego a se makae a go feta, Billy, wa ka . . . Goba, ngwetši ya ka, a ke re, o nteeditše, bošegošego, gomme o rile go be go ne monna a bitšwago Andy Herman, yo e lego motswala wa ka, o be a robetše, a ehwa ka sepetele. Ke ile ntle go mmona. Ba be ba mo file dihlaretagi, ke . . . kudukudu, gore o be a robetše, gomme ke be ke sa kgone go bolela le yena. Mosong wa go latela . . . Ke kgopetše Modimo go mmoloka a phela go fihla ke kgonne. Andy ke monna wa go loka, eupša o no be a be a se Mokriste. Ga se malome; yena ke motswala, o nyetše motswala wa ka.

Gomme gona ge Rakgadi Ade a mpoditše, ke eme fale, o rile, “Billy, mengwaga yohle ye ye masomeseswai ya bophelo bja gagwe, ga se a hlankela Modimo. Eupša,” o rile, “dibeke di se kae tša go feta o be a eme ka ngwakong . . .” Yena, bogolo bja mengwaga ye masomeseswai, nnete, ga a dire bontši bja mošomo wa diatla. Eupša o rile . . .

O mmiditše gomme o rile, “Ade, o a tseba ke eng? Kriste o tlie pele ga ka fa, feela metsotso e se mekiae ya go feta.”

O mo lebeletše, o rile, “Andy, a—a . . . Bothata ke eng?” O rile . . .

O rile, “Aowa. O eme thwi fa pele ga ka, gomme O boletše se sengwe.”

O rile, “O rileng?”

“Go thari go feta o nagana.”

³³ Mo dibekeng di se kae go tloga moo, dibeke tše pedi goba tše tharo, o ile a ba le strouku gomme a letše fale a rephileditho mošola ka sepetele, a ehwa. Ke rile, “Rakgadi Ade, dihlong

go wena go se mpitše goba yo mongwe, go bea pelo ya gagwe maemong bakeng sa iri ye yeo bjale a gorogilego go yona.”

³⁴ Ke kgopetše Morena, mosong wa go latela, ge ke . . . O be a sa kgone go bolela, kafao ke nno mo kgopela. Ke rile, “A o kgona go nkwa, Malome Andy?” Gomme o—o kgonne go dumela ka hlongo ya gagwe gannyane le go sepediša mahlaa a gagwe. Ke mo rapeletše, ke bile le yena a ipolele dibe tša gagwe pele ga Modimo. Ke nyakile go mo kolobetša, le Rakgadi Ade o nyakile go kolobetšwa.

³⁵ Gomme ke ile tlase holong, go bona mohumagadi yo moswa yoo a phelago ka boagišaneng fa, yoo ba bego ba eya go mo romela sepetleleng sa monagano, gomme Morena o mo diretše selo se segolo, a tla gae.

Morago, tseleng go rotoga, ke kopane le kgaetsedi wa lekhala, gomme o rile, “A ga o Ngwanešu Branham?”

Ke rile, “Ke nna.”

O rile, “O a nkropolat? Ke nna Mdi. Drye.”

³⁶ Gomme ke rile, “Ee, ke a dumela ke a dira. Pete Drye le bona.” Ke rile, “Ya, ke—ke a go elelwa.” O lebeletše ka kamoreng, gomme ge re dirile . . . ke maketše gobaneng a boletše seo. Gomme, fale, Malome Andy a šetše a tsogile bolaong, gomme a dutše godimo fale, a sepediša diatla le matsogo a gagwe boka e ka ba mang gape, a leka go hwetša selo, selo sa bolao fase, gore a kgone go tšwa fale le go tloga. Bjale ba tla go kolobetšwa Leineng la Morena Jesu, yena le mosadimogatša wa gagwe.

³⁷ Kafao, eupša gobaneng ke boletše seo, go thari go feta re nagana. Gomme ke dumela gore ye *Dibeke Tše Masomešupa Tša Daniele* e tla e tliša go kwešišong ya rena.

³⁸ Bjale, boati bja baena ba rena ba Pentecostal, ba ke boletšego pejana go theipi, gore ba ganana le Ye. Ba lebeletše bakeng sa se segolo, se sengwe se maatla go direga. Gomme, baena ba ka, ge le ka theetša kgauswi ka kgonth, gomme la se . . . gomme theetšang, le tla hwetša gore seo se segolo, se sengwe se maatla setše se fetile. Jesu o komana go bowa.

³⁹ Kereke e tloga go tema ya 3 ya Dikutollo. Ga se gona se boletšwego ka fale ka ga selo, eupša feela selo sa mafelelo e be e le motseta wa lebaka. Morago, re mekamekana le Bajuda go fihlela go tleng gape ga Monyalwa, ka go tema ya 19. Go tloga tema ya 6 go ya go ya 19 yohle ke ya Bajuda.

Ke moo ke nyakago go fihla go ngwanešu wa ka wa go loka godimo fa nakong ya Mahuto a, Ngwanešu Wood, yo malobeng a bego a le wa Jehovah Witness, yena le bohole ba lapa la gabon, fa mosong wo, gore bale “ba dikete tše lekgolo le masomenne nne” ga se, ga ba ne selo go dira le Bantle. Ke Bajuda. Le a bona? Gomme ga se Mmele wa semaka wa Kriste ka lefaseng lehono.

Monyalwa ke Mmele wola wa sephiri. Ka Moya wo Mokgethwa re kolobeeditšwe ka go Mmele wola wa sephiri.

⁴⁰ Bjale, re tseba gore ka go Puku ya Daniele fa, moo re bego re bala, re tla no bala gape gobane ke Lentšu la Gagwe. Ka go tema ya 19 ya Daniele, temana ya 24.

Dibeke tše masomešupa di beetšwe godimo ga batho ba geno le godimo ga toropokgolo ye kgethwa ya geno, go fedisa dikarogo, . . . go fediswa ga sebe le go dira poelano bakeng sa bokgopo, le go tliša ka gare toko ya gosafelego, le go tswalela pono le seprofeto, le go tlotša Sekgethwakgethwa.

Temana ya 25, “Gomme tseba kagona gomme o kwešiše, gore go tloga . . .” Bjale, ke seo re bego re bolela ka sona, gomme re feditše go seo Lamorena la go feta bošego, “go tlotša Sekgethwakgethwa.” Fa ke moo re thomago mosong wo, go temana ya 25. “Gomme kagona . . .”

Tseba kagona gomme o kwešiše, gore go tloga go tleng ga taelo go bušetša le go agagape Jerusalema (yeo ke “toropokgolo ya geno,” le a bona) go fihla . . . Mesia Mokgoma go tla ba dibeke tše šupago, le masometshela le beke tše pedi: gomme mokgotha o tla agiwa gape, le maboto, le ebole ka dinakong tša mathata.

Gomme morago ga dibeke tše masometshela pedi Mesia o tla ripša, eupša e sego bakeng sa yenamong: gomme batho ba mokgoma yoo a tla tlago ba tla senya toropokgolo le sekgethwa; gomme bofelo bja sona bo tla ba ka lefula le legolo, gomme go fihleleng bofelo bja ntwa go beetšwe ditshenyego.

“Gomme . . .” Bjale, elelwang, bjoo ke bofelo bja ntwa. Re ne yona mo potong fa. “Gomme,” bjale re thoma se sengwe gape.

Gomme o tla tiiša kgwerano le ba bantsi lebaka la beke e tee: gomme mo gare ga beke o tla dira sehlabelo le moneelo go kgaotswa, gomme bakeng sa go phatlalala ga makgapa o tla e dira e senyege, ebole go fihla phleletšong, (ke gore, yohle), gomme seo se beetšwego se tla tšollelwana ntle godimo ga tshenyego.

⁴¹ Oo, a thuto! Ke rile go mosadimogatša wa ka letšatši le lengwe, “Ke a makala ge eba batho ka kgontha ba a e hwetša.” Bjale, ke nyaka le e hwetša. Le se . . . Ge le, re nyaka le dule fa letšatši lohle botelele, go no dula. Bjale, re—re—re nyaka go e hwetša. Le a bona? Re—re nyaka go tseba gore ke Therešo. Gomme, lena ge le ka no kgona feela go e bona! Gomme ke tla kgopela, mohlomongwe . . .

⁴² Gomme morago, ka morago, ke ya go tlogela tšhate e lekeletše fa, gomme le—le ka kgona go e thala, ka morago. Etlang ka fa morago ga sekgalela se, e ka ba neng le nyakago, go thala

ditšhate le go ya pele. E tla le thuša go kwešiša. Ke ka lebaka leo ke e beago fale, gore le tle le e kwešiše.

⁴³ Bjale, a re swayaswayeng feela bonnyane nthathana gore re kgone go hwetša motheo. Bjale go bile... Daniele o be a tshwenyegile mabapi le batho ba gabon, gobane o be a badile moprofeta Jeremia, gomme o kwešištše gore Jeremia o be a boletše gore ba tla ba bothopša lebaka la mengwaga ye masomešupa. Gomme morago, o bone gona ba be ba šetše ba bile bothopšeng lebaka la mengwaga ye masometshela seswai, kafao o tsebile nako e be e batametše. Kafao o beetše mošomo wa gagwe wohle thoko, o gogetše fase, bjalo ka ge go bile, meriti ya mešongwana yohle ya gagwe ya tšatši ka tšatši. O lebile sefahlego sa gagwe go Modimo, a apara mankgeretla le molora, gomme a ikona le go rapela, gore a ke a kwešiše nako yela e tla ba neng. Gona re hwetša, bjalo ka ge ke boletše pele...

[Ngwanešu Branham o bolela le yo mongwe mo sefaleng—Mor.] A o ka retolla seo, godimo go leba ka tsela *ye*, feela gannyane nthathana. Fene, e no ba kudukudu gannyane nthathana. E ntira ke be makgwakgwa. Gona... Ke a go leboga, ngwanešu.

⁴⁴ Bjale, gore re hwetša gore, Daniele, o nyakile tshedimošo ye bakeng sa batho ba gabon. Gomme ke nagana, ge eba Daniele, a bala baprofeta pele ga gagwe, gomme a bile le mohuta wo wa kwešišo, gore o be a le kgaušwi le bofelo, gomme o nyakile Modimo, go hwetša go be go le kgaušwi gakaakang, gona ke nagana re lokafaditšwe, go boneng gore re bofelong bja tsela bjale, go se apare mankgeretla le melora, eupša go lahla dilo tša lefase, le matshwenyego a bophelo bjo, gomme ra nyaka Modimo, go hwetša ke letšatši lefe la ngwaga re lego ka go lona, gobane re a bona re mo bofelong, le gore Kereke e tla ikona le go rapela le go ba komana. Ke ka lebaka leo ke itekilego go tšea godimo ga ka mong... Ke sa tsebe go hlaloša se bjang, gobane ke e potologile nako ye nngwe le ye nngwe, gomme ke rile, “Tšona dibeke tše masomešupa tša Daniele,” gobane ke be ke sa kgone go di kwešiša. Gomme ke ka lebaka leo ke tšerego go nnamong bjale, go leka go e hlaloša. Gomme ke a dumela, ka thušo ya Morena, nka kgona go e dira ka mogau wa Gagwe, go itliša go fao, go le bontšha re kgaušwi bjang go go Tleng ga Morena.

⁴⁵ Bjale, Daniele o be a no ba mengwageng ye mebedi. Gona re hwetša, gore, ge a be a sa le thapelong, Morongwa, Gabarie, o akgofetše go yena; gomme a se mo hlalošetše feela ke neng batho ba gabon ba ya go go tšwa bothopšeng, eupša, gape, tšohle tše di bego di beetšwe bakeng sa batho ba gabon, tšohle tše di bego di sa šadišeditšwego batho ba gabon. O rile, “Go ne dibeke tše masomešupa di sa šadišeditšwego Bajuda.”

⁴⁶ Gona, re hwetša, gore O bile le morero momenwagatshela. Gomme o mongwe wa ona, e be e le go go fediša dikarogo; le—

le go fediswa ga sebe; le go dira poelano bakeng sa bokgopo; go tliša ka gare toko ya gosafelego; go tswalela pono le seprofeto; le go tlotša Sekgethwakgethwa.

⁴⁷ Gomme re tšere, Lamorena la go feta mosong, Daniele ka seemong sa gagwe tlase fale, a rapela. Lamorena la go feta mantšiboa, go feng Mangwalo, gore batho ba a bale ge ba fihla gae. A le le badile? A le le ratile? Go a makatša!

⁴⁸ Bjale, morero momenwagatshela. Gomme re hwetša gore, go morero wa botshela, “go tlotša Sekgethwakgethwa,” re hwetša gore, “Sekgethwakgethwa” ka mehla go emetše Kereke, Tabarenenekele. Gomme selo sa mafelelo go dirwa, e be e le go tlotša Sekgethwakgethwa, yeo ke Tabarenenekele ya Mileniamo yeo A tla go dula ka go yona ka go Mileniamo, woo re tla go phela ka ona.

⁴⁹ Bjale, lehono, bjale re batamela, “Dibeke tše masomešupa ke eng?” Gomme ye ke ntlha ye bohlokwa kudu, dibeke tše masomešupa.

⁵⁰ Bjale, re a tseba Mangwalo ga a kgone go aketša. A swanetše go ba Therešo. Gomme ge yo Morongwa Gabariele a etla gomme a boditše Daniele gore go ne feela dibeke tše masomešupa di šadišeditšwego Bajuda... Bjale, re ka šomiša yeo go matšatši a tshela... goba beke ya matšatši a šupago. Eupša, ka go seprofeto ka mehla ke ka diswantšho.

⁵¹ Gomme, ntle le pelaelo gore tlase go kgabola lebaka, go bile le batho ba makgolo atisa ka makgolo, dirutegi, banna ba bokgoni, ba leka go hlaloša se dibeke tše masomesupa di bego di le. Gomme ke badile bontši bja ditshwayo tša bona go yona. Gomme ke leboga Mna. Smith kudu, wa kereke ya Adventist, bakeng sa mmono wa gagwe. Gomme ke leboga Ngak. Larkin, bakeng sa mmono wa gagwe. Ke leboga bohole ba dirutegi tše, bakeng sa mmono wa bona go ye. Gomme go ba baleng, go mponegetše kudu, gore ke kgone go hwetša mafelo a a bonegago gabotse. Eupša go hwetša mmono woo ke—ke naganago gore ke tla rata go hlaloša, ke hlodišišitše go kgabola ensaeklopedia, ya “nako,” go hwetša se “nako” e se rago.

⁵² Gomme re hwetša godimo fa, re ne “nako, nako, le go aroleng ga nako.” *Nako ke eng? Beke ke eng?* Bjale, yeo e bile dikete tše tharo, mengwaga ye lekgolo le masometharo ya go feta, ge e sa le ye e bile, ge e sa le Modimo a thomile go dirišana le Bajuda; ye mentši, mengwaga ye mentši ya go feta. Daniele o bile B.C., gomme nako yela go bile B.C. 538, mengwaga ye 538 pele ga Kriste, ge a boletše ye bakeng sa “nako, nako, le go aroleng ga nako.” Gomme, dibeke tše masomešupa, lebelelang moo dibeke tše masomešupa di tla mo išago. Gobaneng, o be a sa le ka Babilonia, ka go dibeke tše masomešupa, gomme efela Modimo o mmoditše gore yeo e be e le nako yohle yeo e beetšwego go batho.

⁵³ Bjale, kereke ya ka fa e tseba gore mengwaga yohle ka mehla ke le boditše, “Ge o nyaka go tseba ke letšatši lefe la beke le lego, lebelela tšupamabaka. Eupša ge o nyaka go tseba nako ye re phelago go yona, šetša Bajuda bale.” Bao ke tšupanako e nnoši. Modimo ga—ga se a beeble dinako tše rilego go Bantle; ga se go be le sekgoba se itšego sa nako. Gomme ke moo ke naganago gore bangwadi ba bantsi ba bagolo ba e hlakahlakantše, gomme ba be ba leka go e diriša go Bajuda le Bantle, gobane O rile, “Batho ba geno.” Eupša O be a bolela le Daniele, e sego le Kereke; batho ba gabon Daniele, Bajuda. Ge nkabe A bolela le Kereke, o ka se dire yeo e ye felo; o—o moragorago, ebile pele ga go tleng ga Kriste. E tla felela ka go mohuta e ka ba ofe wa dibeke tša seprofeto o nyakilego go e bea ka go yona. Ka mehla e tla felela. Eupša O be a bolela le Bajuda, kafao Bajuda ke tšupanako ya Modimo.

⁵⁴ Le a elelwa fa, e se kgale kudu, ge Ngwanešu Arganbright, wa California, motlatšamopresidente wa International Full Gospel Business Men’s Association, o tla ngwakong wa ka gomme o tlišitše the—the theipi; gomme e sego theipi, eupša filimi ya mobi, yeo ba . . . ya *Three Minutes Till Midnight*. Yeo e tšerwego go nyakišišo ya saense. Ge ke bone Bajuda bale ba boela ka gare, morago ka Jerusalema, ke tla tlase fa tabarenekeleng, gomme ke rile, “Ke ikwela boka ke bile le tshokologoleswa.” Ba bantsi ba lena le elelwa seo. Ke rile, “Go bona Bajuda bale ba bowa morago!”

Jesu o rile, Mateo tema ya 24, “Ge le bona mohlare wa mogo o khukhuša.” Le tseba se le se lebelelagoo, le a bona, Bajuda ba bowa!

⁵⁵ Bjale, ke ne ditshwayo tše rilego di ngwadilwe fa. Ke tla rata go tsena go tšona. Bjale, bjale, ke tla—ke tla tše nako ya ka, gore le lena le kgone go di ngwala. Bjale, se sohle se direga, tše . . . Bjale re . . . Mo nakong yeo re phelago bjale, sohle se se direga go . . . Ke sa Bajuda; ga go ne selo go dira le Kereke, le gannyane. Eng kapa eng go tloga go Dikutollo tema ya 3, go ya go ya 19, ga se ne selo se tee go dira le Kereke. O ka se e dire e tšwe gabotse. E no se be gona.

⁵⁶ Bjale ke nyaka go hlaloša ka fao ke hweditšego se. Bjale, mo potong, ba bantsi ba lena le tla bona gore ke thadile, dinako di kgaogantšwe, ka fao e tlago ka go sebaka, gore e dirwe gore yo mongwe le yo mongwe a kgone go kwešiša. A le ka . . . Le ka se kgone go e bona go tšwa morago, ke a eleletša, ke mongwalo wo monnyane kudu. Gomme woo ke mongwalo wa Becky. Ke naganne . . . Gomme, seswantšho sela, ke bile le se sengwe sa go befa go feta seo. Eupša, Becky o thadile seo, sa seswantšho sa toro ya Nebukadinetsara. Gomme ke a nagana se bogega kudu boka mosetsana, Becky, go feta se dira monna. Eupša, go le bjalo, go tla—go tla hlagiša tshedimošo, ye re e nyakago.

⁵⁷ Bjale, ge re bala ka Beibeleng gore go ne dibeke tše masomešupa di beetšwego batho, bjale, ba . . . ga e na selo go dira le Kereke. Dibeke tše masomešupa ga di na selo go dira le Kereke. Ge le ka hlokomela fa, mo tšhateng, ke ne lebaka la kereke ka magareng ga dibeke tšela tše masomešupa.

⁵⁸ Re ne yona godimo fa. Ngwanešu yo mongwe tlase ka Georgia, o re thaletše yona fa, ge re be re eya go kgabola mabaka a kereke. Gomme re ne kgonthre re kgona go kwešiša se se se se rago. Bošweu bjo mo go kereke fa, bjoo bo ra e be e le boapostola bjhohle. Gomme morago ka go lebaka la bobedi la kereke, ba bile le thuto ya Banikolaite, goba, ba bile le mediro ya Banikolaite; e be e sa ba thuto. Lebaka la boraro la kereke, e bile thuto. Gomme ka go lebaka la bone la kereke, e kgatlofaditšwe, gomme e bile bomopapa bja Roma. Gomme ka go le—le lebaka la bone la kereke, leo e be e le mabaka a leswiswi.

Le a lemoga, boso bjhohle fale bo emela Bonikolaite, goba Boroma. Karolo ya bošweu e emela Moya wo Mokgethwa, Kereke. Gomme, bjalo ka ge e thomile nakong ya Mokgethwa Paulo, Kereke yohle ka moka ya boapostola e be e tletše ka Moya wo Mokgethwa. Morago dikhorane tša thoma go tsena. Gona mafelelong ba kgobokeditše gomme ba dirile kereke ye mpsha ye e feletšego ka ntle ga yona. Gomme feela kereke ye nnyane e tšhunngwe, le go kgatlwa ka matlapa, le go fepša go ditau, le se sengwe le se sengwe.

⁵⁹ Ka go Kaonafatšo go tla Luther, go phadima gannyane, le a bona. Mo matšatsing a Wesley, go tlišitše efela go phadima go gannyane. Eupša mo lebakeng la kereke ya mafelelo fa, lebaka la kereke ya Nikolaite, leo ke lebaka leo re . . . E sego Nikolaite, eupša la Laodikia, ke lebaka leo re phelago ka go lona. Le a hlokomela, ga go Seetša se sentši kudu.

⁶⁰ Yo mongwe, ge ba bone sethalwa sa yona godimo fale, o rile, “Dihlong go wena, Ngwanešu Branham! Letsatši le legolo le la ponegetšo!”

Ke rile, “Ke tla eleletša, ge e hlokotšwe, seo ebile ga se e dire toka, ge o hwetša basekegi ka pelong ka kgonthre, ba tswetšwego gape ke Moya.” Elelwang, le e bile lebaka la kereke le nnoši leo Kriste a beilwego ka ntle ga kereke ya Gagwe Mong, go ohle a ona. Re ne boipolelo bjo bogolo, eupša, “A re ne sarena?” ke se re bolelago ka sona. A Kriste ka kgonthre o ka kerekeng? Go tla ba kudukudu ka bonnyane.

⁶¹ Bjale, a re phurulleng dibeke tše masomešupa tša Daniele. Bjale nka bušeletsa fa gape; badiredi ba Ebangedi, ge le ganana le se, go lokile. Di arogantšwe ka dikgala tše tharo, bjalo ka ge re hwetša ka go Daniele 9. Dikgala tše tharo. Sa pele, sekgala sa beke tše tharo; morago masometshela le pedi, e lego masometshela pedi; gomme morago sekgala sa beke e tee. Di arogantšwe ka dikgala tše tharo tša go fapanā.

⁶² Bjale, ke ne yona e arogantšwe fa mo potong. Sekgala sa pele; sekgala sa bobedi; le go ya ka kwešišo ya ka, ka Ebangedi, ka Moya wo Mokgethwa, gore, nako ya bofelo, Modimo o boela gape go Bajuda.

⁶³ Bjale, re a tseba, ka Diebangedi, gore Paulo o rutile, le ba bangwe, gore Modimo o tla boela gape go Bajuda. Gabotse, gona, ge eba A eya go boela gape go Bajuda, re ka e diriša bjang morago ka nakong ya Daniele? Re swanetše go e diriša ka go lebaka le la mafelelo. Gomme ke ka morago ga ge Kereke ya Bantle e šetše e ile, gobane O dirišana le Israele bjalo ka setšhaba, rena bjalo ka motho ka motho.

⁶⁴ Bjale, ke ne tše dingwe di ngwadilwe fa tšeо ke tla ratago go le balela ge re eya. Bjale:

...go tleng ga taelo go bušetša le go agagape
Jerusalema...

E lego, e be e le la 14 Matšhe. Ge e ka ba ofe wa lena a nyaka go bea seo fase, ka go Bahebereg le tla e hwetša e bitšwa *N-i-s-a-n, Nisan*, e bitšwa "Matšhe." Taelo e filwe ka letšatši la 14 la Matšhe, b.c. 445, taelo e tšwile go aga, go agagape tempele. Le a e kwešiša, bjalo ka ge lena batho le badile Mangwalo. Go fihlela e feditšwe, go tšere mengwaga ye masomenne senyane go fetša tempele le toropokgolo, go e tsošološa. Gomme bjalo ka ge Beibebe e boletše fa, Daniele a bolela, goba Morongwa go Daniele, gore:

...ma maboto, gomme a tla agwa mo dinakong tša mathata.

Gomme bontši bja rena re a elelwa, ge e be e agwa, ba bile le poloko ya taka ka seatleng se tee le tšoša ka go se sengwe, go šetša lenaba. "Gomme go tla agwa mo nakong ya mathata."

⁶⁵ Kafao, ſefa moo ke hwetšago seo, go hwetša matšatši a ka. Bjale, re ne tše pedi, ditšupamabaka tše tharo tša go fapan. Re boela morago go tšupamabaka ya thutadinaledi, gomme re hwetša gore ka go tšupamabaka ya Julian go ne makgolo a mararo, masometshela tlhano le kotara ya letšatši mo ngwageng. Ba e bea nakong ka go feta ga Selemela le dinaledi tša go fapan, le go ya pele. Ba e beile nakong. Bjale re hwetša, tšupamabaka ya Seroma yeo re phelago ka tlase ga yona bjale, matšatši a makgolotharo le masometshela tlhano mo ngwageng, ka tšupamabaka. Eupša ka go Sekriste, goba tšupamabaka ya seprofeto, re hwetša go ne feela matšatši a makgolotharo le masometshela mo ngwageng. Bjale, le ka makala tlhakatlhakano ye e tla bjang.

⁶⁶ Bjale, se nka no se bolela bjalo ka ge nnamong ke bolela. Ke a dumela gore morago pele ga tshenyego ya pele ga meetsefula, morago matšatšing a Jobo, le go ya pele, ba bolokile nako ka dinaledi. Gomme re a kwešiša, goba morago pele ga nako yeo, gore lefase le eme go otlologa thwi. Gomme morago ka go sebe

sa motho, go phuhlamišwa ga lefase, gomme le sekamile gomme mafula a tlie, kagona re ne meelakgapetla ya aese ye megolo, le go ya pele, gomme bogodimo le botlase bjoahle bja lefase bo tletše ka aese. Re tseba seo. Gomme lefase ga la ema go otlogela godimo. Le sekamile. Seo se le šikintše go tloga moo ngwedi le dinaledi, moo di bego di lebeletše, gomme le go se bewe madulong gabotse. Goba—goba, o ka se kgone go boloka nako ka yona gapegape, gobane le dutše go sokama, le dutše le sekametše morago. Kagona, e ka se bethe tšona dinaledi ka nako ya go swana, gobane le—le tšwile seemong go tšona dinaledi. Le a kwešiša? Ke a dumela ke seo se lego.

⁶⁷ Le robetše morago ka go seemo seo. Gomme seo feelsa se bontšha gore se e no ba sekgala sa nako. Ga le kgone go bona? Modimo ga a ne dilo di tšwile seemong. O no e lesa e kitime ka mokgwa woo lebaka la nako ye nnyane. Gomme ka therešo ke dumela gore selo seo se dirilwe.

Gomme go matšatši a a mafelelo ke ge Modimo a eya go utolla diphiri tše go Kereke. Ga se A ke a e dira peleng. Gomme lebaka A sa nka a e dira, ke go boloka Kereke e šeditše le go rapela nako yohle, e sa tsebe e be e etla neng. Eupša elelwang, ka go Daniele 12, O rile, “Bahlale ba tla kwešiša mo mafelelong, mo letšatšing le la mafelelo.” Le a bona? E filwe go yena.

⁶⁸ Moya wa bohlale o tla ka Kerekeng, go tsebiša Kereke, ka kutollo ya Moya wo Mokgethwa, go tlišeng Kereke ka gare le go utolla ke letšatši lefe re phelago ka go lona. Feela go swana bjalo ka ge Gabariele a etla go—go Daniele, Moya wo Mokgethwa o tla go Kereke mo matšatšing a mafelelo, go utolla tše kgolo tše, tša go teba, dilo tša sephiri. A le a kwešiša bjale? [Phuthego e re, “Amene.”—Mor.]

⁶⁹ Bjale, seo se tla kanamiša ngwaga wola wa thutadinaledi goba ngwaga wa Julian, tšhupamabaka, le a bona, ngwaga wa masoniki, gobane lefase le sekamile. Bohle re tseba seo, go tšwa go go ithuta ka sekolong. Bjale ka ge le tšwile seemong, kagona bona, tšona dinaledi, di ka se fete ka mothalong wa lefase ka nako ya go swana. Kagona, tšhupamabaka ya Seroma e phošo, le yona, gobane o ka se bee matšatši mmogo. Go no ba dilo tše dintši tše nka go di bolela thwi fa. Gore re hwetša, ebile le ka tlhago yonamong, e re ruta go ne feelsa matšatši a masometharo tlwa mo ngwageng.

⁷⁰ Bjale, a re tšeeng Dikutollo moo re yago go swanelo go ya godimo fa mo matšatšing a baprofeta ba babedi. Beibele e rile, “Ba profetile matsatši a sekete makgolopedi le masome a tshela.” Bjale, le tše tšhupamabaka ya thutadinaledi, ka kgontha e tla e foša kgolekgole go tloga go beng mengwaga ye meraro le seripa. Gomme le tše tšhupamabaka ya Seroma yeo re nago le yona lehono, e tla e foša kgolekgole. Eupša le tše tšhupamabaka ya seprofeto, gomme go ne tlwa matšatši a sekete makgolopedi le

masome tshela, go matšatši a masometharo mo kgwedding. Le a bona?

⁷¹ Re ne matšatši a masometharo dikgweding tše dingwe, masometharo tee go ya go latela, masomepedi seswai go ye nngwe. Le a bona, re hlakahlakane gohole. Eupša Modimo ga a ne le yona manyokenyoke, godimo le fase, morago le pele. O e betha tlwa go swana. Ee, mohlomphegi. Tlwa go swana, matšatši a masometharo mo kgwedding; e sego masometharo tee, morago masometharo, se sengwe gape. Le a bona? Eupša seo sohle se dirilwe ka go ikonomi ye kgolo ya Modimo, go boloka Kereke e šeditše le go rapela, go beng komana, go ba le diaparo tša lena di hlatswitšwe Mading a Kwana. Eupša, oo, ka matšatšing a a mafelelo, O tshepišitše! Agaa. Bjale re bona moo re phelago. Bjale, elelwang, morero, morero wa tlalo, ke go dira se.

⁷² Bjale, ge eba go be go le šupa... Lebelelang, go ne tlwa matšatši a masomenne senyane... mengwaga ye masomenne senyane, a ke re, mo nakong ya go agweng ga tempele. Ye šupago, ke dibeke tše šupago tša seprofeto, dibeke tše šupago, gobane go ne dibeke tše šupago di beetšwego go tempele, go agagape tempele. Gomme e agilwe tlwa mo mengwageng ye masomenne senyane. Bjale re ne tlhalošo ya nako ya dibeke, gobane ge Beibele e boletše, Morongwa o rile, go tsere dibeke tše šupago go fihlela go agweng ga tempele. Gomme e bile tlwa mengwaga ye masomenne senyane go agweng ga tempele, go tloga—go tloga Matšhe la 14 go fihlela B.C. 5–538. Go fihlela tempele e bušeditšwe gape, le mekgotha e bušeditšwe, mengwaga ye masomenne senyane tlwa. Kafao, re hwetša eng? Re hwetša eng? Gobane, ge eba dibeke tše šupa di ra mengwaga ye masomenne senyane, gona beke e tee e lekana le mengwaga ye šupago. Gomme šupa atiša ka šupa ke masomenne senyane. Seo ke tlwa. Ke lena bao.

⁷³ Kafao bjale ga go sa na go thankka ka yona. Re a tseba bjale gore beke ye nngwe le ye nngwe e rile mengwaga ye šupago. A le e hweditše? A re e boleleng mmogo: “Beke e tee e lekana le mengwaga ye šupago.” Bjale re a tseba re e hweditše. Beke e tee e lekana le mengwaga ye šupago.

⁷⁴ Ke rena ba thwi fa, beke ya pele. [Ngwanešu Branham o šupetša go seswantšho letlapeng—Mor.] Mengwaga ye masomenne senyane go go agwenggape ga tempele. Bjale, mothalo wa ka godimo wo fa o emela setšhaba sa Bajuda ge se eya go kgabaganya. Ye e no ba nako. Gomme ge e theogela tlase fa, e theogela ntle ga setšhaba sa Bajuda, ka go nako ya Bantle. Morago e rotogela gape le go swara Israele, gomme e ya pele.

⁷⁵ Bjale, Bantle ga se ba beelwe nako e itšego. Go no rilwe, “Nako ya Bantle.” Gomme re hwetša, ebile le Jesu ga se a ba beele nako. Gobane re hwetša ntle fa, ka go Luka 21:24, O rile, “Ba

tla gatikela maboto a Jerusalema go fihlela Bantle . . .” Anke ke tsopole yeo. Ke no e tsopola ka kgopololo. Anke ke e bale, gobane e tla ba go theipi fa, gomme re nyaka go ba le kgonthe go e nepa. Go lokile, ge le nyaka go phetla le nna go yona, go Mokgethwa Luka 21:24. Ke ithutile ye ka go hlaka, bokaonekaone bjalo ka ge ke kgonne.

Gomme ba tla wa ka ntlha ya tšhoša, gomme ba tla išwa kbole . . .

O bolela ka bomang? Bajuda. Yeo e be e le tshenyego ya tempele, ka A.D. 70.

...gomme ba tla išwa bothopša ka ditšhabeng tšohle: . . .

Bjale elelwang, e sego fela ka Babilonia, e sego feela godimo ka Roma, eupša go “ditšhabeng tšohle.” Ke moo Bajuda ba lego lehono, “ditšhabeng tšohle.”

...gomme Jerusalema e tla gatakelwa ke Bantle, go fihlela nako ya Bantle e phethagaditšwe.

⁷⁶ Gona, go ne nako ye e beetšwego, eupša ga a gona a tsebago e tla ba neng. Le a bona? Ke sephiri, le a bona, nako ya Bantle. Eupša, Bajuda . . . Gona, re ka se kgone go bolela nako ka se Kereke, ge eba E kgelogile goba ge eba E ya pele, goba E dira eng. Le ka se bolela ka seo. Eupša, lebelelang Bajuda, go ne tšupamabaka ya nako. A le a e bona? Modimo o ba beetše letšatši tlwa, iri, le nako, eupša ga sa nke Bantle. O dirile Bajuda, kafao a re šetšeng Bajuda, gona re tla bona fao re lego.

⁷⁷ Bjale, bjale, dibeke tše šupago e be e le mengwaga ye masomenne senyane. Re ne yona e hlakile bjale, gore beke e tee ke-beke e tee ke mengwaga ye šupago; beke e tee, mengwaga ye šupago.

⁷⁸ Bjale re a botšwa, “Go tloga go tleng ga taelo . . .” Bjale, ſefa moo bothata bo tlago. Bjale re a botšwa:

...go tloga go tleng ga taelo go agagape toropokgolo go ya go Mesia (gomme Mesia e be e le Kriste, ka nnete) go tla ba dibeke tše šupago, le beke tše masometshela le pedi: (go e dira masometshela senyane) . . .

Le a bona? Go lokile. Gomme šupa atiša ka masometshela senyane go dira mengwaga ye makgolonne le masomeseswai tharo. Bjale, le a e ngwala? Ge le nyaka go e bušeletša, ke tla thakgala go e dira.

⁷⁹ Bjale re a botšwa, “Go tloga go tleng ga taelo go agagape toropokgolo, go ya go Mesia, go tla ba tše šupa,” (tše šupa, tše ke tše mathomo—tše mathomo, thwi fa) “dibeke tše šupago, le masometshela le pedi,” go dira, masometshela pedi le šupa ke masometshela senyane, dibeke tše masomesenyane. Šupa atiša ka masometshela senyane go tla dira mengwaga ye makgolonne le masomeseswai tharo. Kagona, go fihlela Mesia . . . Bjale re tla

godimo go karolo ye *fa*. Go fihlela Mesia, go swanetše go ba mengwaga ye makgolonne le masomeseswai tharo, makgolonne le masomeseswai tharo a mengwaga.

⁸⁰ Bjale, bjale, Jesu, Mesia, o nameletše ka toropongkgolo ya Jerusalema, a fentše, mokokotlong wa moula wo mošweu, ka Lamorena la Palema, Aporele la 2, A.D. 30. Jesu o nameletše ka Jerusalema ka Lamorena la Palema, A.D. 30. Gomme bjale, bjale, go tloga B.C. 445 go fihla A.D. 30, ke mengwaga ye makgolonne masomešupa tlhano tlwa.

⁸¹ Eupša, bjalo ka ge re šetše re bone, gore dibeke tše masometshela senyane di dira makgolonne le masomeseswai tharo a mengwaga. Bjale, fao ke moo bothata bo tlago, thwi fale. Le a bona? Re ne feela, ka go marakeng ga Beibele fa, nako, feela makgolonne le masomešupa tlhano a mengwaga. Gomme, gabotse, ke makgolonne le masomeseswai tharo a mengwaga, phapano ya mengwaga ye seswai.

⁸² Bjale, Modimo a ka se e dire e foše. Ge eba A rile e tla ba bokaalo bja matšatši, ke bokaalo bja matšatši. Ge eba A re ke bokaalo, ke bokaalo. Kafao re ya go dira eng? Bjale, B.C. 475 go ya go A.D. 30, ke mengwaga ya Julian le thutadinaledi, e lego mengwaga ye makgolotharo le masometshela tlhano le kotara ya letšatši ka go—ka go ye nngwe le ye nngwe. Eupša ge re fokotša ona matšatši go tšupamabaka ya rena ya seprofeto . . .

⁸³ Bjale anke ke eme thwi fa feela motsotso. Gore le ke le tsebe ka ntle le pelaelo, ke be nka se no tšeа lefelo lela le letee. Nka e tšeа go kgabola Mangwalo ka moka le go le netefaleda gore matšatši a šupago ke šupa yela, beke e tee ke—ke mengwaga ye šupago, ka Beibeleng. Ke nno e dira godimo fa, ka go Dikutollo tema ya 13, goba tema ya 11 gomme temana ya 3. Bona baprofeta ba tla profeta matšatši a sekete makgolopedi le masome a tshela, e lego magareng ga beke ya Bajuda, morago ba a ripsa gomme Hamagedone e a tsena. Gona ge seo se le bjalo, seo gape, tlwa matšatši a masometharo mo kgwedding. Le a bona? Gona, ga se—ga se matšatši a masometharo tee le matšatši a masomepedi seswai, le go ya pele. Ke matšatši a masometharo kgwedding tlwa, nako ye nngwe le ye nngwe.

⁸⁴ Tšupamabaka ya rena ya seprofeto e re tliša go matšatši a makgolotharo le masometshela, bjalo ka ge re šomiša bjalo ka Mangwalong. Re ne tlwa makgolonne le masomeseswai tharo. Ŝeo, makgolonne le masomeseswai tharo. Fa re ne tlwa netefatšo ya seprofeto, therešo tlwa. Gobane, go tloga nakong ya go tleng go aga tempele, go fihlela tshenyong, ge ba ganne Kriste le Go mmolaya ka A.D. 33, ge Kriste a bolailwe, ke mengwaga ye makgolonne le masomeseswai tharo tlwa.

Bjale, go tloga go tleng ga taelo go agagape Jerusalema, go beetšwe dibeke tše šupago, tše di rilego mengwaga ye masomenne senyane. Gomme mengwaga ye masomenne senyane

e e bethile tlwa. Gabotse, go tloga go agwenggape ga tempele go fihla go Mesia, e bile mengwaga ye makgolonne le masometharo seswai. Kafao, makgolonne le masometh-... mengwaga ye makgolonne le masometharo nne. Gomme makgolonne le masometharo nne (nako), masomenne senyane, go dira tlwa mengwaga ye makgolonne le masomeseswai tharo. E e betha mo nkong, tlwa go letšatši le lengwe le le lengwe, go tloga letšatšing go ya letšatšing. Amene! Ke lena bao.

⁸⁵ “Mesia Mokgoma o tla tla.” Le a bona? Šupa atiša ka masometshela senyane ke makgolonne le masometh-... le-le mengwaga ye masomeseswai nne. Tlwa, e e betha mo nkong. Kafao, gona, re a tseba ka phethagalo, re a tseba tlwa, gore Lengwalo leo le nepile. Lona šele. Eupša, le a bona, ohle ale...

⁸⁶ Ge Modimo a bile le lefase la pele ga meetsefula le go le fediša ka meetse, le go fetola letšatšikgwedi la thutadinaledi; gomme morago a dira Baroma go tla le go dira tšhupamabaka ya bona, ye e e bethago le go taboga, le go ya pele. Gomme ke a thanka, gore, ebile le ka go ensaeklopedia moo ke bego ke bala...

⁸⁷ E reng, gale, Ngwanešu Kenny Collins, a o ka moagong mosong wo, Kenneth Collins? O a tseba ge o be o nthomela sehlopha selo se segolo sa ensaeklopedia? O elelwa seo? O nthometše godimo fale e nyakile go ba llouto ya theraka ya yona. Ke naganne, “Ke eng ka lefaseng magogorwana wa go swana le nna a ka se dirago ka selo selo?” Le a tseba, Morena o be a go hlahlala, Kenny. Ke moo ke hweditšego tshedimošo, thwi go tšwa go ensaeklopedia yela ya kgale, “nako,” gomme ke be ke ithuta yona. Gomme Becky o a di šomiša sekolong sa gagwe. Ke ne tšona ka boithutelong bja ka, tlase ka kamoreng ya go khutša ya ka lebatongtlase. Gomme re ile tlase fale gomme re e hweditše, gomme fale re e lebeletše, gomme re e hweditše, tlwa, go kgabola ditšhupamabaka tšohle le nako yeo e kilego ya ba gona. Le a bona? Kafao, re e hweditše.

⁸⁸ Yona šele, tlwa, mengwaga ye makgolonne le masomeseswai tharo. Go tloga go tleng ga taelo go bušetša—go bušetša moago, go fihla nako ya Mokgoma Mesia a gannwe, go e dira tlwa mengwaga ye makgolonne le masomeseswai tharo, ka tšhupamabaka.

⁸⁹ Bjale le a bona, rena go šomišeng tšhupamabaka ya go swana thwi godimo fa. Gobane, ge eba Modimo a šomišitše tšhupamabaka ye fa, gona O swanetše go e šomiša nako ka moka go kgabola Beibele. A yeo ke nnete? [Phuthego e re, “Amene.”—Mor.] Modimo ga a fetoge. Kafao, ge dibeke tše šupago e bile mengwaga ye masomenne senyane, dibeke tše šupago gape ke mengwaga ye masomenne senyane. Beke e tee ke mengwaga ye šupago, le a bona, kafao go e dira feela ka phethagalo. Gomme ge eba e bethile tlwa go mothalo fale, e tla betha tlwa go mothalo gape. Amene! Oo, nna! Seo se ntira

ke hiduege gohle. Oo, ke—ke—ke rata, ke rata go tseba se ke bolelago ka sona. Ke—ke—ke a se rata.

Gobane, boka moisa wa kgale a boletše, tlase fale ka Kentucky, go nna, o rile, “Ke rata go kwa yo mongwe a bolela, yo a tsebago se ba bolelago ka sona.”

Ke rile, “Ke a dira, le nna.”

O rile, “Seo ke se e lego bothata ka lena bareri, ga le tsebe se le bolelago ka sona.”

⁹⁰ “Gabotse,” ke rile, “ke thabela theto ya gago, eupša go ne dilo tše dingwe re tsebago se re bolelago ka sona.” Agaa. Yeo ke nnete. Ke a tseba ke tswetšwe gape. Ke a tseba gore ke tlogile lehung go ya Bophelong. Ke a tseba go ne Modimo, gobane ke boletše le Yena.

Ke bile le Yena a bolela ka nna, le go bolela ka nna, le go bolela le ba bangwe, le go mpotša ka ba bangwe. Gomme ke a tseba gore Yena ke Modimo. Yeo ke nnete. O bile bose kudu go tla tlase le go ntira ke be le seswantšho se tšewa le Yena, moo lefase la saense le ka se e ganetšego. Gomme ke retologela godimo go Lengwalo gomme ke bone seo e no ba tlwa go phethagatša lebakala le la kereke le, tlwa se se diregago, gore ke tsebe gore re fa. Amene.

⁹¹ Bjale, re ka no se rutege. Re ka no se be batho ba matsatsanka, le dilo boka tše. Re ka no se be bahlomphegi, eupša re tseba Modimo. Re a Mo tseba gobane go ne Moya wo Mokgethwa, le a bona, gomme o bapela le Lentšu ka Lentšu go kgabola Lengwalo, gona re a tseba ke therešo. Re phela mo matšatšing a mafelelo.

⁹² Bjale, fale, elelwang bjale, ngwaga wo wa seprofeto wo, wa matšatši a makgolotharo le masometshela mo ngwageng. Lebelelang go se sengwe le se sengwe gape. Tlhago, ge ba bangwe ba lena batho le ka kwešša, ebile go basadi, go ya pele. Le a bona? Masometharo, matšatši a masometharo, nno bonang go—ke... Tlhago yohle e beakantšwe ka mokgwa woo. Le a bona? E sego masometharo tee, masometharo, masomepedi seswai, goba se sengwe. Ke matšatši a masometharo tlwa. Go ngwaga wo mongwe le wo mongwe, yeo ke tšupamabaka ya seprofeto, matšatši a makgolonne le masomeseswai tharo tlwa.

⁹³ Fa re ne netefatšo tlwa ya seprofeto, makgolonne le—le mengwaga ye masomenne tlhano, pele, e be e nepile tlwa. Bjale, yohle yela e profetilwego go phethega. Gomme dibeke tšela tše masomešupa ga sa nka tša direga nako yela, kafao go šietšwe go mabaka a mafelelo bjale.

⁹⁴ Bjale, baena ba ka ba Pentecostal, bjale, baena ba ka ba Jehovah Witness, a le a lemoga? Le a tseba moo ba dikete tše lekgolo le masomenne nne ba tšwelelago? A le a tseba moo mehlolo ye megolo ya Kutollo e tšwelelago? Godimo ka go lebaka

la Bajuda, e sego ka go la rena. Ga se gona se rekotilwego ka go lona, feela Kereke e eba komana le go ya ntle. Kgontha, ka maatla a Modimo, re dira mehlolo le dimaka. Re tseba seo. Eupša selo sa kgontha se be se le godimo fa go Bajuda; ke ra, a kgontha, maatla a šomago, mohlolo o šomago. Ba bane . . .

⁹⁵ Ba dikete tše lekgolo le masomenne nne, ga ba tšwelele fao. Ba godimo . . . Ga ba tšwelele ka go tema ya 3. Ba godimo ka Mangwalong, kgojana. Gomme bjale re bona gore selo sohle se se bego se swanetše go direga, se be se le godimo mo nakong ya beke ya bomasomešupa, beke ya mafelelo. Bjale, ge eba ba šetše ba bile le dibeke tše masometshela senyane, gomme ba e phetše tlwa ka tsela ye Modimo a rilego ba dirile, gomme e diregile tlwa ka tsela ye Modimo a rilego ba tla dira, gona go sa ne beke e tee gape e tshephišitšwego Bajuda. Bjale, baena, nno bang komana. Le a bona? Le a bona? Theetšang ka fao re lego kgauswi. Beke ya go feta, šupa, ngwaga wa bošupa.

⁹⁶ Bjale, a yo mongwe le yo mongwe o a kwešiša bokgole bjo, ge eba le a dira? Yo mongwe le yo mongwe o a kwešiša bokgole bjo, gore ka go phethagala ke Therešo. Ke Beibele. Ke mengwaga ya seprofeto.

⁹⁷ Bjale re tla godimo, gomme re ne tšona godimo fa go go ganweng ga Mesia, le a bona, go tloga . . . go go ganweng ga Mesia, beke ya mafelelo.

⁹⁸ Bjale, ke nyaka go ema thwi fa feela nakwana le go hlaloša se. Gore, ge ba ganne Mesia, e be e le mola ba, ka nnete, ba ganne Jesu bjalo ka Mophološi, gomme ba Mmapotše. Elelwang godimo fa se Beibebe e se boletšego, "Gomme O tla ripša, eupša e sego bakeng sa Gagwemong, Mesia, Mokgoma." Bjale naganang ka fao seprofeto seo se bethago kgauswi. Ke nyaka ye e kokotelwe ka go lena. Gore, ge seprofeto selo se betha tlwa go letšatšikgwedi, tlwa go nako, le tlwa ka tsela ye e rilego go tla ba, ye nngwe ye ya bošupa ye, e tee ye dibeke tše šupago di šetšego, mengwaga e šupago ye mengwe, a ke re, (matšatši a šupago: mengwaga ye šupago), e tla betha tlwa go ya ka Lengwalo.

⁹⁹ Bjale elelwang, O ile a ripša, Mesia. Bajuda, Modimo o kgauditše go dirišana le bona. Ga se ba ye bokgole e ka ba bofe. Morago ba šwalalantšwe ke Mmušo wa Roma. Gomme, gona, ge eba le lemoga mo tšhateng ya ka fa, ke nyaka le hwetše se bjale le go se thala. Le a lemoga fa moo ke nago le sefapano? Ke moo ba gannego. Eupša nako e katološitšwe kgojana feela gannyane nthathana go seo, le a bona. Gobaneng? Masometharo, masomenne, masometlhano, masometshela, masomešupa. Mengwaga ye masomenne moragorago, Titose, mojenereale wa Roma, o sentše Israele, Jerusalema, gomme o šwalalantše batho go lefase lohle. Le a bona, Titose, mengwaga ye masomenne moragorago. Kafao, ka nnete, nako ya Bajuda e katološitšwe go fihla ya go felela . . .

¹⁰⁰ Modimo o be a sa dirišane le bona. O nno dirišana le bona go fihlela ba ganne Kriste. Gona ge ba bapotše Kriste, ba goeeditše, “Anke Madi a Gagwe a be godimo ga rena le bana ba rena,” gomme go bile ge e sa le. Eupša pele ba šwalalanywa... Theetšang! Oo, ngwanešu! Pele ba šwalalanywa go lefase lohle, go tšere Modimo e ka ba mengwaga ye masomenne go phušola tempele le go ba šwalalanya ntle go lefase lohle. Eupša Modimo o šitilwe go dirišana le bona gape. Modimo o šitilwe go dirišana le bona gape.

O ile go dirišana le Bantle. Le tseba seo, le a se kwešiša bjale? Bjale, fa re thoma ka go mabaka a kereke, nako ya Bantle, Modimo kgole le Bajuda.

¹⁰¹ Bjale, ngwanešu wa ka wa moromiwa, yeo e be e le go—go—go Bajuda, ngwanešu morategi yo bohlokwa fa felotsoko. Moo ke nyakago le swara le go kwesiša šefa. Le a bona, Modimo o tlogetše go dirišana le Bajuda thwi fale, gobane Modimo ka mehla o dirišana le Israele, bjalo ka setšhaba. Bohle re a tseba gore Israele ke setšhaba. Bantle ke batho, gomme O ile a swanelwa ke go tšea batho go tšwa go Bantle, bakeng sa Leina la Gagwe. Re tla tla go seo mo metsotsong e se mekiae.

¹⁰² Eupša bjale, ka go mabaka a kereke a šupago ale ao re ilego ra a kgabola, mo nakong ya Bantle, go tloga go bapolweng ga Kriste go fihlela bofelong bja mabaka a kereke. Bjale re hweditše seo. Re bile go e kgabola, yohle tlase. Bjale re fihla lefelong moo re ka bethago ye, go ya ka go Mahuto a Šupago, Meruswi ye Šupago, Diphalafala tše Šupago, le tšohle tšela, le go e swantšha mmogo; tšohle di dirišana le Bajuda, le kahlolo ya Modimo go batho godimo ga lefase. Gomme mašalela...

¹⁰³ Elelwang, ka go nako ye kgolo ye ya tlhomaro, go ne dimilione tša Bantle ba tla hwago ka go yeo. Monyalwa yola a gannwego, mašalela ale—ale a peu ya mosadi, kgarebe e robetšego, o ya thwi go kgabola yeo. E—e no ba go hlaka bjalo ka dibeke tše masomešupa tše; feela go hlaka. Gomme ba tla ya go e kgabola. Kafao, ge o se ne Moya wo Mokgethwa, bokaone o O hwetša ka pela ge o kgona. Re mo nakong ya bofelo.

¹⁰⁴ Bjale hlokomelang, mabaka a šupago a kereke. Bjale, ga ka swanela go ya go a kgabola, gobane re ne ona go theipi, gomme a bewa ka go dipuku le se sengwe le se sengwe. Yeo, yeo e be e le nako yeo Modimo a sa nkago a re go tla ba matšatši a makaalo, diiri tše kaalo, mengwaga e kaalo; Ga sa nke a bolela e ka ba eng. O rile, “Go fihlela sekgao sa Bantle se feditšwe.” O rile, “Go fihlela!” Maboto a tla gatakelwa go fihla Modimo a tlogela go dirišana le Bantle.

¹⁰⁵ Bjale, re hwetša, gore go theoga mabaka a, re bile le Moya wo Mokgethwa o etla ka gare. Gomme morago Modimo, morago ka mathomong, o thomile go botša nako yeo, mo go ganweng ga Kriste, Modimo o bontšhitše Johane tlwa se se tla diregago

lebakeng la pušo ya Bantle. Bjale, le a bona, ga re ne nako e ka ba efe e nago le magomo, boka Bajuda, eupša re ne leswao. Re ne—re ne kota ya leswao. Gabotse, Modimo o dirile ka Bajuda feela tlwa se A rilego O tla se dira ka go yona mengwaga ye masometshela senyane, goba, e bile mengwaga ye makgolonne le masomeseswai tharo, eupša dibeke tše masometshela senyane. Gomme beke e tee e šetše, beke e tee e sa beetšwe.

¹⁰⁶ Bjale, re ka se kgone go e diriša *fa*, gobane ye ke Bantle, Kereke. Bjale, ke ba bakae ba kwešišago seo? [Phuthego e re, “Amene”—Mor.] Bjale, ye ke Dikutollo, go thoma ka tema ya 1 go fihlela tema ya 3 e re tšeela godimo go Laodikia. Bjale, re bona tlwa ka fao e bilego Kereke yohle, Kereke ya lefase yonamong. Modimo ga se nke a akaretša modiradibe, o nno... ntle le ge a nyaka go phološwa. Eupša, Kereke ya lefase e be e le bošweu gohle; morago go tla Banikolaite ba ba nyakilego go bopa mokgatlo. Batsebalegi ba tsene ka go yona. Ye e bile ka Nicaea, Roma, ge ba bile le Nicene Council. Gomme ba dirile eng? Ba kgatlofaditše kereke, morago ba thoma go hlomara Bakriste. Gona, ka go lebaka la kereke la go latela, go nyakile, Bokriste, ka tsela ya kolobetšo ya Moya wo Mokgethwa, bo gogoletšwe ntle.

¹⁰⁷ Eupša morago, gore lena batho le a tseba, gore ke ile morago le go hwetša histori, *Nicene Fathers*, le *Pre-Nicene Fathers*, le dihistori tšohle tša kereke, le dingwalwa tša kgalekgale kudu ke kgonnego go di hwetša, gomme ye nngwe le ye nngwe ya tšona e le netefaleditše gore Kereke yeo Modimo a bego a bolela ka yona e be e se kereke yela ya Katoliki ya go kgatlofatšwa goba mokgatlo wo mongwe. Modimo o be a bolela ka, gomme dinaledi tšela tšohle tša lebaka, e be e le banna ba ba rutilego kolobetšo ya Moya wo Mokgethwa, kolobetšo Leineng la Jesu Kriste, le go tleng ga Moya wa Modimo, le—le go boleleng ka maleme, le tlhathollo ya maleme, le phodišo, le mehlolo, le maswao. Ke seo Modimo a se beago. A ka se fetole monagano wa Gagwe, a re, “Gabotse, ye ke kgopolo ya Ka ya Kereke, Kereke ya boapostola; bjale kgopolo ya Ka ke kereke ya bahlomphegi.” Modimo ga a fetoge! E sa le Moya wo Mokgethwa.

¹⁰⁸ Gomme re šetša le go e tliša, gona, ge re bona tlhago ya Modimo le se A... gomme morago ra tliša Lengwalo la Gagwe ntle. Gomme morago ra tsea hi—hi histori yeo e bontšhago e no betha tlwa go mothaladi; tlwa go letšatsikgwedi, go nako, go se sengwe le se sengwe seo Modimo a se boletsego ka Johane, se tla direga, se diregile go lebaka lela la Bantle.

¹⁰⁹ Bjale, re ikhwetša renabeng, ka ntle le pelaelo, ka Lebakeng la Laodikia. Re a tseba re gona. Re tla go kgabola Lebaka la Lutheran; re tla go kgabola lebaka la Wesley; bjale re ka go Lebaka la Laodikia, lebaka la mafelelo. Gomme re lemoga gore ye nngwe le ye nngwe ya dikereke tšela e bile le motseta. Re hwetša seo. Dinaledi tše Šupago ka seatleng sa Gagwe, e bego e le Meboya ye Šupago yeo e ilego pele pele ga Modimo. Ye nngwe

le ye ngwe e bile le motseta. Gomme re theogela fase gomme re a hwetša, ka Beibele, se tlhago ya motseta yola e tla bago, ke tlhago efe motseta yola a tla bago. Gomme re topile monna ka go histori yoo a bilego le tlhago yela. Gomme morago ge re hwetša monna yola ka go histori, yoo a bilego le tlhago, re tla go hwetša o be a le motseta go lebaka lela la kereke. Gona re hwetša ke Moya ofe, le gore ke eng monna yola a e dirilego. Gomme re hwetša gore o be a le mokgethwa wa go tlala ka Moya wo Mokgethwa, Mokgethwa Irenaeus, le bohole bale ba bangwe, le—le Mokgethwa Columba, le bohole banna bele ba tletšego ka Moya. Gomme re tseba seo, ka Mangwalo, gore mohuta wola wa Moya o be o swanetše go ba godimo ga mohuta wola wa monna bakeng sa nako yela ya go swana. Yona seo, kafao e ka se be phošo. Amene! Letago go Modimo! Seo se no . . .

¹¹⁰ Ga ke tsebe, ngwanešu. Seo se dira bontši go nna go feta e ka ba eng ke e tsebago, o a bona, gobane ke Lentšu la Modimo le ipolela Lonamong. Ge ke ekwa Modimo a bolela se sengwe, ke re, “Amene! Yeo ke therešo. Yeo ke nnete.” Le a bona? Seo se a e ruma. Go fedile. “Modimo o boletše bjalo.” Seo, seo se a e dira.

Gabotse, Modimo o rile seo se tla direga ka tsela yeo, gomme re se hwetša go histori le ka Lengwalo. Re bile go bala ka lebaka le la kereke, se e tla go se dira, go tla direga eng, ke mohuta ofe wa motseta e bilego go lebaka lela la kereke. “Go—go morongwa wa kereke ya Laodikia. Go morongwa wa kereke ya Saredé, Thiathira,” tšohle tše tša go fapano. Gomme re boela morago ka go histori le go hwetša mo—mo motseta wa kereke yela, gomme re hweditše e be e le mang. Kafao gona re e thadile, ra bea maina a bona ka tlase ga yona, gomme šebale. Le a bona, re a tseba seo se bethile tlwa.

¹¹¹ Bjale, gomme re a tseba gore Modimo o be a, ka mehla o be a, gomme o bile, le go ba kgahlanong le bodumedi bja go kgatlofatšwa. Ee, mohlomphegi. O e boletše. “Banikolaité, se Ke se hloilego!” Nickao go ra “go fenya maloko.” Maloko ke, maloko ke, “kereke, mmele.” Nickao go ra “go fenya, go fekeetša,” ka mantšu a mangwe, “go dira monna yo mokgethwa, yo mongwe ka godimo ga yo mongwe.”

Bohole re bana. Re ne Kgoši e tee, yeo ke Modimo. Re ne Yo Mokgethwa o tee, gomme yoo ke Modimo. Amene! Gomme O makgatheng ga rena, ka sebopego sa Moya wo Mokgethwa. Yoo ke Yo Mokgethwa.

¹¹² Bjale, re theogela tlase go fihla re le phosithifi ka kgonthe gore go tla go kgabaganyeng le—le lebaka la Bajuda re hweditše tšona dibeke tše masometshela senyane tlwa, ka histori, ka tšupamabaka, ka ngwaga wa Modimo wa seprofeto, go tlišeng histori ya tšupamabaka ya seprofeto, go tloga go Testamente ya Kgale godimo go ye Mpsha, le go e bontša go swana tlwa. Le a bona?

Bjale re ne kereke ya Bantle go tloga mathomong, go theogela go letšatši la mafelelo, gomme re a tseba re phela mo letšatšing la mafelelo. [Ngwanešu Branham o kokotile phuluphithing makga a mmalwa—Mor.] Amene! Le a kwešiša? [Phuthego e re, “Amene.”] . . . [Ngwanešu Branham o kokota phuluphithing ga tee.] Bjale, gona, ge eba re phela ka go letšatši le la mafelelo, mo bofelong bja lebaka le, gona re go kae?

¹¹³ Hlokamelang, moragorago fa, le bona mothalo wo o thadilwego wo morago ka *fa*, moo Modimo a dirišanego le Bajuda . . . Goba, a sa nka a dirišana le Bajuda, go Mo tšere nako ye telele go ba hwetša. Go Mo tšere mengwaga ye masomenne go ba tliša ka seemong go moo gore O tla ba le bona ba sentšwe, go ditšhaba tšohle. Gohlegohle, mo matšatšing a Bantle, O be a swanetše go ba tliša seemong pele A ka dira Lentšu la Gagwe go phethagala. Le bona se ke se rago? [Phuthego e re, “Amene!”—Mor.] Bohle ba ba e kwešišago, e reng, “Amene!” [“Amene!”] Le a bona, ke nyaka go ba kgonthle le a e hwetša.

¹¹⁴ Bjale go diregile eng? Lebelelang godimo ka bogodimo bja lebaka le la kereke ya mafelelo ye. Le bona katološo ye nnyane ye? Matšatši a Bantle a a felela. Gomme lebaka la mengwaga ye masomenne ya mafelelo, Bajuda ba be ba boela Jerusalema, ba eya morago nagalegaeng ya bona. Haleluya! Le bona moo re lego? Go tšere mengwaga ye masomenne, go tloga go ripšeng ga Mesia, go fihla Titose a sentše tempele le go šwalalanya Bajuda. Go bile mengwaga ye mengwe ye masomenne yeo Modimo a thatafaditšego pelo ya mehuta yohle ya Bofarao gohlegohle lefelong, le go gapela Bajuda morago go nagalegaae ya bona. Eupša lehono ba morago ka go nagalegaae ya bona gape, le Kereke e bofelong. Amene! Oo, ke—ke—ke no leka go bala; ga ke kgone.

¹¹⁵ Hlokamelang, Bajuda ba ka nagalegaeng ya bona, gomme ba be ba boela morago. Ge le ka hwetsa *Decline Of the Word's War*, bolumo ya bobedi, ge Mojenerale Allenby, ka Morago ga Ntwa ya Pele ya Lefase, o fofetše godimo ga Jerusalema le go e thopa, le go tšea Jerusalema. Gomme banna bale ba Bakriste ba matšitsše ka Jerusalema ka dikefa tša bona di rotšwe. Gomme Allenby o ineetše ebile ntle le go thuntšha sethunya, goba—goba, ba ineetše go Allenby, Maturk. Gomme ge e sa le nako yela, Modimo o ile go thatafatša pelo ya Mussolini, pelo ya Hitler, pelo ya Stalin, dipelo tša banna gohlegohle nageng, ba hloile Mojuda yola.

¹¹⁶ Gomme morago dinonyana tše kgolo bogolo tše di theogilego, di biditšwego Eastern Airlines, goba, Pan American Airlines, goba, e ka ba eng e bilego, ke a dumela e be e bitšwa TWA, e be e le ka go kga—kga kgatišobaka, kgatišobaka ya *Life*, ke a dumela e be e le, *Look* goba *Life*, ke a dumela e be e le *Life*, feela mengwaga ye meraro goba ye mene ya mafelelo, gomme Modimo o be a kitimišetša Bajuda morago ka go nagalegaae ya bona, ye ba bilego kgole le yona lebaka la mengwaga ye diketepedi, ge Bantle ba be ba eba komana. Gomme bjale Bantle

ba išitše Kriste ka ntle ga kereke, go ya ka Dikutollo tema ya 3. Ebile ga A kgone go tla morago ka kerekeng ya Gagwe. Ga go na lefelo bakeng sa Gagwe go ya. O gannwe.

¹¹⁷ Gomme ke nako bakeng sa Tlhatlogo. Balopollwa bohole go kgabola *fa*, methalo ye mennyane ye boka wo, ke go rotogeng ga bakgethwa ka tsogong. Le a bona, bohole re kopana mmogo thwi *fa*. Beibele e rile, “Rena ba re phelago gomme ra šadišetšwa go tla ga Morena re ka se thibele goba šitiša bale ba robetšego.” Tsela yohle go tloga *fa*, *fa*, le *fa*.

¹¹⁸ Bjang, ngwanešu wa Pentecostal, o kgona bjang go ba šomiša bohole godimo fa ka go Lebaka la Kereke ya Laodikea?

Bona ba—bona ba robetše, go kgabola le lengwe le le lengwe la mabaka a, ba letile. “Gomme rena ba re phelago, sehlopha se sennyane se se šadišitšwego godimo *fa*, re šadišitšwego go phela go fihlela . . . Go tleng ga Morena re ka se šitiše bale ba robetšego; gobane phalafala ya Modimo e tla lla, gomme bahu ka go Kriste ba tla tsoga pele; gomme re tla ubulelwa godimo mmogo le bona,” amene, “le bona,” re *fa*, re kopana thwi *fa*, “go ya go gahlanetša Morena sebakabakeng.” Gomme ke lena bao. Re go kae? Thwi *fa*. Mesia o ripilwe kae? Tlwa moo Lentšu le go boletšego. Beke yela ya bomasomešupa e tla thoma kae? Tlwa ka morago ga ge Kereke ye e ripilwe. Morago Modimo o boela go Bajuda.

¹¹⁹ A ga le elelwé? Ke ka pela ge Kereke e eya. Kereke e a ya, morago Bajuda ba a tseparela, ba tla ka gare. Eupša, sa pele, selo sa go latela lenaneong, ga se tsošeletšo ye kgolo ya bosetšhaba—ya bosetšhaba magareng ga Bantle. Selo sa go latela lenaneong, ke go tla ga Mmušo wa Modimo, go Tla ga Kriste.

¹²⁰ Bjale, ge le nyakile, re ka ya morago fa bjale go Daniele tema ya 2, temana ya 34 le temana ya 35. Gomme ge Daniele a filwe . . . tema ya 2, 34 le 35 ge Daniele a filwe pono gore matšatsi a batho ba gabu a be a fedile, gomme lebaka la nako e rilego, gomme o bone Bantle ba tsena, gomme o bone pono ya letlapa le legolo bogolo le *fa*, goba, seswantšho se segolo bogolo se, se bilego le hlogo ya gauta, le sefega sa silibere (Bjale šetšang, go ba go thatafa, silibere go gauta.), sa go latela dirope tša tshipi, goba dirope tša mphiri, gomme morago maoto le dinao tša tshipi, eupša menwana, e be e le menwana ye lesome, gomme menwana yela e be e le tshipi le letsopa, gomme o rile, “Bjalo ka ge o bone gore tshipi e ka se hlakane le letsopa, mebušo ye go aroganeng e ka se tswakane yona seng, eupša e tla tswakanya dipeu tša yona mmogo, go leka go roba maatla a ye nngwe.” Le a bona?

¹²¹ Bjale, go diregile eng, hlogo ya gauta e bile Nebukadinetsara, ye a e hlathollotšego. O rile, “Kgoši ye nngwe e tla tla gomme e tla ba ka tlasana ga gago,” ye e bilego Dario, Bamede le Baperesia, ba thopa mmušo wa Bantle. Wa go latela go tsena, ka morago ga Bamede le Baperesia, e bile eng? Bagerike, Alexander the Great, le go ya pele; Bagerike ba thopile mmušo wola. Morago ke eng

e o thopilego go tloga go Bagerike? Baroma. Gomme ke mang a bušitšego lefase la Bantle ge e sa le? Baroma! Baroma, bjale, yeo e be e le tshipi.

¹²² Gona lemogang, Roma e ba gona go fihla bofelong, gobane e ile bofelelong bja menwana. Gomme o bone leraga, letsopa; gomme bao ke batho, se re dirilwego ka sona. Gomme tshipi, maatla a Roma, a kitima ka go se sengwe le se sengwe sa ditšhaba tšela. Gomme Roma e ne maatla ka go setšhaba se sengwe le se sengwe ka tlase ka Legodimo.

¹²³ Go ne monna o tee ka go lefaseng a ka go emiša ntwa goba go thoma ntwa, ntle le...ka go bolela lentšu le letee. Yoo ke mopapa. Go ka reng ge a rile, “Ga go Mokatoliki a tšeago lerumo.” Seo se a e rumma, ngwanešu, bolela e ka ba eng o e nyakago. Karolo ye kgolokgolo ya lefase, ya Bobokriste, ke Katoliki. Le a bona? Go lokile. Anke a bolela lentšu le letee, ke se se lego.

¹²⁴ Feel a boka ba boletše godimo fa, “Ke mang...” Re tla go yona moragorago. “Ke mang a kgonago go lwa le sebata? Ke mang a ka bolelago boka yena? Ke mang a ka go e dira? Gona, a re direleng sebata seswantšho.” Yeo ke mohlakanelwa wa dikereke, “go dira seswantšho boka sona.” Le a bona? Go hlakantšha dikerekemaina mmogo, e lego ba šetše ba e dirile. Oo, re no ba bofelong. Seo ke sohle se lego go yona, mogwera. Re mo bofelong. Le a bona? “A re direleng sebata seswantšho,” se sengwe boka sona. Seswantšho ke se sengwe se bogegago boka se sengwe. Le a bona? Bjale re nakong ya bofelo.

¹²⁵ Bjale lemogang fa, mo bofelong bja lebaka le. Bjale, Daniele, ka go tema ya 2, gomme temana—temana ya 34 le ya 35, o šeditše seswantšho se ka kelohloko ye kgolo. Gomme o se šeditše go fihlela Letlapa le kgomotšwe go tšwa thabeng, e se ka diatla, gomme Le pshikologetše tlase gomme le bethile sebata mo maotong, gomme le pšhatlide seo. Bjale, ga se Le ke la se betha mo hlogong, bjale. Le se bethile mo maotong; yeo e bile nakong ya bofelo, yona menwana ye lesome.

¹²⁶ A le lemogile, tlwa fa, feela pele Mna. Eisenhower a ile ntle, Moprotestant wa mafelelo wa...wa Amerika, ka go—ka go Mopresidente, ke belaelago go tla tsoge gwa ba yo mongwe. Eupša—eupša ge...feela go bontšha gore, feela batho ba tla phafoga. Ge a kopane, go be go le...Kopano ya mafelelo yela (bona) o kopane le Russia, go be go le dinaga tše tlhano tša Bohlabela tša bokomonisi di emetšwe, dinaga tše tlhano tša Bodikela. Mna. Khrushchev o be a le hlogo ya dinaga tša Bohlabela. Mna. Eisenhower o be a le hlogo ya dinaga tša Bodikela. Gomme Khrushchev, bjalo ka ge ke kwešiša gomme ke boditšwe, gore ka polelo ya Serussia, *Khrushchev* go ra “letsopa.” Gomme *Eisenhower* go ra “tshipi,” ka Seisemané. Tshipi le letsopa la lena šedio, di ka se hlakane. Gomme o rotše

seeta sa gagwe gomme o bethile boemo ka sona, le se sengwe le se sengwe gape. E ka se hlakane.

¹²⁷ Eupša go bile mo matšatšing a mebušo ye gore Leswika, Letlapa le kgomotšwe go tšwa thabeng, e se ka diatla, le bethile seswantšho maotong. Bjale, "Kgomotšwe thabeng." Go swanetše go ba go bile letlapa la thaba. Le kgomotšwe go tšwa thabeng ya letlapa. Bjale, a le lemogile?

¹²⁸ Bjale, modiredi moena, le banešu le dikgaetšedi, gohle lefaseng. Go kwešišo ya ka, Beibele ya mathomo e ngwadilwego, Modimo o e ngwadile lefaufaung, gobane ba swanetše go lebelela godimo le go bona gore go ne mo—mo Modimo ka Legodimong, gore Modimo o ba ukametše. Gomme ge le ka lemoga ka go zodiac... Bjale anke go se be ofe wa lena batho a sepelago.... Le dula thwi le Beibele ye fa. Le a bona? Eupša, zo—zo zodiac, e thoma pele ka go zodiac, bjalo ka ge ke kwešiša, ke kgarebe; ya mafelelo ka go nomoro ya zodiac ke Leo Tau. Yeo ke go Tla ga pele ga Kriste, ka kgarebe; go Tla la bobedi, ke Tau ya leloko la Juda. Le a bona? Morago re ne lebaka la kankere, le, gape, go theoga go kgabola zodiac.

¹²⁹ Bjale, re hwetša gore go bile le ye nngwe e ngwadilwe, goba ye nngwe e beilwe, gomme yeo e bile diphiramiti. A le a lemoga ka go diphiramiti, ka fao e thomilego, bophaphathi kua botlaseng, boka thaba, e dirilwe ka leswika la go tia, e ile thwi godimo go fihla e fihlile bogodimong? Eupša ga se nke gwa ba le setswalelo se bewa go phiramiti, phiramiti ye kgolo fale ka Egepeta. Ntšhang ya lena.... Ge eba le swere tšhelete ya tolara ka potleng ya lena, ntšhang tšhelete ya tolara gomme le e lebeleleng. Gomme le tla hwetša fa setswalelo sa Amerika ka lehlakoreng le tee, gomme ka lehlakoreng le lengwe e ne, kua botlase, phiramiti. Gomme ka godimo ga phiramiti, leswikasetswalelo, eupša ke leihlo le legolo bogolo. Gomme le bitšwa, ka tlase ga phiramiti ye, "Setswalelo se segolo." Gobaneng ntšhu ya Amerika e se setswalelo se segolo? Seo ke setswalelo sa Modimo. Elelwang, re be re fela re opela pina ye nnyane:

Gohle tseleng go ya budulong bja therešo bja
soulo,
Go ne Leihlo le go šeditšego;
Kgato ye nngwe le ye nngwe yeo o e tšeago,
Leihlo le legolo le le phafogile,
Go ne Leihlo le go šeditšego.

Yeo ke nnete. Elelwang, re be re fela re eba le mogobo wo monnyane—wo monnyane? Re bolelago:

Ge eba o utswa le go ropa le go aketša, gomme
o ipolela ka kerekeng,
Go ne Leihlo le go šeditšego.

¹³⁰ Bjale, setswalelo se segolo. Bjale, re a tseba, gomme ga ke se kwešiše, go elwa ga phiramiti. Eupša ke be ke sa no botša batho

ka go ya mafelelo, ka go ye nngwe ya dithuto tše di tlago, gore le e bone yohle e eya pele, mmogo.

¹³¹ Bjale, phiramiti e thomile, go emela Kereke, bophaphathi kua botlase. Gomme ge yeo e etla godimo kgauswi le bogodimo, e thoma go ba kudu ka sebopegong sa fa—fa fanele.

¹³² Bjale, re hwetša, e tla thwi godimo go yona ntlhora ya ka godimo, gomme ga se nke ba e feleletša. Gobaneng? Gobaneng? Ke a makala! Gobane Beibebe e rile Letlapahlogo le gannwe. Ba gannwe.

¹³³ Bjale šetšang, lebaka la kereke . . . Theetšang kgauswi bjale. Le se hlaiwe ke se. Lebaka la kereke le tla go tloga mathomong a Kaonafatšo, Luther, morago mo dinakong fale moo motheo wa matlapa o beilwego, e lego thuto ya baapostola. Morago re hwetša, ge dinako di ile pele, go tloga lebakeng le lengwe go ya go le lengwe, Kereke e bile ka bonnyaneng kudu nako yohle, go fihlela e kgabotše boka . . . Luther o rerile tokafatšo. Morago, feela go ba, go ipoletše go ba Mokriste, ba go bolaile, matšatsing a bohwelatumelo, bahwelatumelo.

¹³⁴ Bjale re hwetša, mo matšatsing a Wesley, o be o le mopshikologimokgethwa ge o ipoletše Kriste nako yela, Methodist yela ye mpsha. Batho ba tšwetše fa ge Wesley a etla fa, le Asbury, ba bile le dikopano fa ka Amerika, go baleng histori ya bona, go moo ba bilego le yona ka mengwakong ya sekolo. Dikereke tša bona fa di be di ka se be le bona. Gomme mafelelong ba fihlile lefelong go fihla Moya wo Mokgethwa o tla ba wela, gomme ba be ba tla wela mo lebatong, gomme ba be ba tla ba tšhela ka meetse, ba ba bokaboka ka fene, ba naganne ba be ba idibetše. Gomme ke bile thwi ka dikopanong tša bona nnamong, mo mengwageng ya ka ye masometlhano. Gomme ke ba bone ba ewa ka tlase ga maatla a Moya wo Mokgethwa ka mokgwa woo, gomme ba tla kgaphela meetse sefahlegong sa bona, le se sengwe le se sengwe, Mamethodist a kgale a go lokologa, mengwaga ye mentši ya go feta. Yeo e be e le tlhomaro.

¹³⁵ Bjale, morago, ka morago ga ge lebaka lela le phetšwe, lebaka la Wesleyan, go tsena lebaka la Pentecostal ka kolobetšo ya Moya wo Mokgethwa. Le a bona, le a bopega, nako yohle. Bjale elelwang, Letlapahlogo lela le be le se go yona go le bjalo. [Ngwanešu Branham o ngwadile se sengwe letlapeng gomme a se kgotla ka tšhoko makga a mabedi—Mor.] Gobaneng? Ba bopile Kereke feela tlwa, goba phiramiti ka sebopego go lekanela Letlapahlogo, eupša Letlapahlogo ga se nke la tsoge la tla. Oo, le bona moo ke lego, a ga le!

¹³⁶ Bjale, bodiredi go tloga go Luther go fihlela bofelong bja Pentecost, ka go bonnyane bjola bjo bonnyane nthathana godimo fa . . . Ke ka lebaka leo Seetša se nyakile se timile, ka lebakeng le, fale mo go tšhupamabaka, mo tšhateng. Ke lebaka la pentecostal, pentecostal; e sego—e sego Pentecostal ya dikerekemaina, gobane

ba dirile feela tlwa boka Laodikia. Ke ba Laodikia. Ba dirile boka Banikolaite, ba kgatlofetše.

Eupša Kereke ya therešo, gohlegohle lefaseng, e bopegile go lefelo gore go tla tla bodiredi magareng ga Yona, feela tlwa boka bodiredi bja Jesu Kriste. Bjale ba ne eng? Ga ba ne selo seemong. Bjale selo sa go latela ke eng? Letlapa le le latotšwego, la phiramiti, le kgomotšwego thabeng (e sego ka eng?) e sego ka diatla. Modimo o Le rometše. A le a e bona? [Phuthego e re, "Amene."—Mor.] Le le gannwego, Letlapa le le gannwego, ke hlogo ya Ye; ke hlogo, letlapasetswalelo. Gomme yena Yola yoo ba mo gannego, go kgabola lebaka la Bantle, ke Kriste. Gomme Kriste ga se a ripsa le go bewa fa bjalo ka moemalegatong, goba morwa wa Modimo, goba motsebalegi tsoko ka kerekeng. Yena ke Moya wo Mokgethwa. Gomme setswalelo sa phiramiti e tla ba Kriste a etla. A le a e bona? ["Amene."]

¹³⁷ Bjale, ka lebaka la gore ba ka sebopengong, (Le bona moo ke bilego le se se bopilwe fa boka phiramiti, go nyogeng ga bakgethwa?) go dira matšhe ka Letagong. Le a kwešiša bjale? [Phuthego e re, "Amene."—Mor.] Kriste, Letlapahlogo, Letlapa le le gannwego, Leihlo le le bonago tšohle, a etla tlwa boka Beibele e boletše. Gomme Daniele o rile o šeditše lebaka le la Bantle go fihlela Letlapa le kgomotšwe thabeng, leo le sa kgomolwago ka diatla. Ga sa nke ba tsoge ba beile letlapasetswalelo go phiramiti yela. [Ngwanešu Branham o kokota phuluphithing makga a mabedi.] Ga se le kgomolwe ka diatla tša motho. Ke seatla sa Modimo seo se kgomotšego Letlapa. Le a e bona? ["Amene."] Gomme Le dirile eng? Le bethile seswantšho ka go nepa mo maotong, gomme la se phušola ka diripana, la se šilaganya go ba lerole. Haleluya! Go diregile eng nako yeo, go tleng ga Letlapa lela? [Ngwanešu Branham o kokota phuluphithing makga a mane.] Kereke e ile godimo ka Letagong, mo Tlhatlogong, gobane e feditše sekgao sa Bantle. Modimo o se fedišitše, go tleng ga Letlapa.

¹³⁸ Go kile gwa ba le batho ba etla fa mo kerekeng, monna yo monnyane le mosadimogatša wa gagwe. Ba be ba tla tšea Beibele gomme ba E bea fase felotsoko; gomme ba be ba tla ya, ba opela:

Oo, ke lebeletše bakeng sa Letlapa lela leo le
bego le tokologa ka Babilonia,
Le tokologa ka Babilonia... (Ba dikologa, ba
nyaka leo, le a bona.)
Ke lebeletše bakeng sa Letlapa lela leo le bego
le tokologa ka Babilonia.

¹³⁹ Yena šole! Kriste ke Letlapa lela. Ga se A tswalwa ke motho. O tswetšwe ke Modimo. O tlela Kereke yeo e bilego go tswalwagape gape, ka Moya wa Modimo, gobane maatla a Letlapahlogo a kitima gohle go kgabola Kereke, boka makenete.

¹⁴⁰ Ke elelwa ka ga go beng godimo fa, ke šeditše sekayo sela nakong yela, moo ba bego ba bopa tšona dilo tšohle. Gomme mantlhekge ohle ale a letše fale, gomme ba e swietše. Letlapa lela le legolo le tla hleng gomme le e topile, letlapa lela le legolo la makenete, gomme le e topile yohle gobane e be e ne makenete wa yona.

Re swanetše re be le makenete go Letlapahlogo lela. Letlapahlogo lela ke Moya wo Mokgethwa, Kriste. Gomme yo mongwe le yo mongwe wa rena o ne bomakenete bjola bja Moya wo Mokgethwa. Ge Letlapa lela le betha seswantšho, Kereke e tšabelala go Lona, morago ka Letagong. O tla tšeelwa godimo, mo Tlhatlogong ya bakgwethwa, ge A eya pele ka go letšatši leo.

¹⁴¹ Bjale, lebelelang fa. Re hwetša, Bajuda bjale ba boela morago, lebaka la e ka ba mengwaga ye masomenne, e ka ba nako ya go swana yeo go ba tšerego go tšabeleng ntle ga tshenyego ya tempele. Go ba tšere mengwaga ye masomenne go tla morago, go fihlela ba laelagape tempele ye nngwe. Le a bona, re thwi bofelong bja tsela. Gabotse, ge eba Bantle . . .

¹⁴² Bjale a re tšeeng . . . Re bona Kereke, go tleng ga Letlapa. A re tšeeng lebaka la mafelelo. Re kgabotše. Re a bona bjale. Ke a dumela ke ne dingwalwa tše dingwe fa go seo. A re boneng, feela motsotsso. “Gomme mokgoma yo a tla tlago, e lego molwalekriste, o tla dira kgwerano le Bajuda.” Gomme ka go Daniele 7 . . . goba—goba 9:27. “Gomme mo bogareng bja beke, mengwaga ye meraro le seripa, sebata se tla dira kgwerano ya sona . . .” Ke—ke nyaka go fihla go seo, moragorago gannyane, kgwerano yela. Re nyaka go tloga . . . Ke nyaka go thoma thwi fa bjale.

¹⁴³ Le lengwe le le lengwe la mabaka a a Bantle le netefaditšwe wa go se palelwe ka motseta wa lona, wa molaetša, le se se tla diregago.

Lebaka le *fa* le be le le lebaka le le tagafetšego.

Lebaka la go latela, go thiwile go tla ba le thuto e bitšwa, goba se sengwe se tsena, se bitšwago, “di—di dipolelo tša Banikolaite.”

Morago se a tla, selo sa go latela, go thuto.

Morago se a tla, lenyalo la . . . go kereke ya Nikolaite, le go hlomarwa ga bakgethwa. Se sengwe le se sengwe se no direga ka tsela yela.

Re tla go la go latela, feela nthathana ye nnyane ya Seetša e a thoma. “O ne maatla a mannyane, gomme o ne leina gore o a phela, eupša o hwile. Tiiša seo o šetšego o naso, ge e se ge Ke etla, ka tloša sehломakerese.”

¹⁴⁴ Go tla Wesley, ka morago ga fao, ka lebaka la gagwe. Re bone tlwa se . . . Lebaka la Wesley, le biditšwe eng? Filadelifia. Lebaka—lebaka le legologolo la lerato re kilego ra ba le lona, lebaka la Filadelifia, le bile thwi nakong ya John Wesley.

Ge a sepetše, go tsene Pentecost, gomme yeo e be e le bolelo.

Gona re ya morago le go hwetša ke mohuta ofe wa Molaetša o tla tlago go Mapentecostal, mo bofelong.

Elelwang, yo mongwe le yo mongwe o tla bofelong bja lebaka. Mokgethwa Paul o tla bofelong bja lebaka. Ka moka ga bona ba tla tlase mo bofelong, Mokgethwa Irenaeus le bohole ka moka ga bona. Lebaka la yo mongwe le fetetšwa mošola go le lengwe, le lepeletšwa ka kua, gomme o le tšere gomme o ile pele go lebaka la go latela. Le a bona?

¹⁴⁵ Bjale, re hwetša, ka go lebaka le, go ne naledi, bjale ka ge re ne fale. Re ne naledi, motseta. Re ne motho, mo—mo Molaetša woo o yago pele go lebaka; batho go O gana; batho go O amogela. Gomme motseta wa lebaka le o be a swanetše go tla ka maatla a Eliase. Yeo ke nnete. Gomme o be a swanetše go “Bušetša Tumelo ya bana morago go botate, go tliša mašalela a pentecostal, ao a šetšego, morago go Tumelo ya therešo ya seapostola.”

¹⁴⁶ Bjale, Tumelo ya therešo ya seapostola, ge bohole le Ka e bala ka Pukung ya Ditiro, le tla hwetša gore ga se nke gwa ke le nako e tee motho o tee a kile a kolobetšwa, “leineng la ‘Tate, Morwa, Moya wo Mokgethwa.’” Ga se nke gwa ke le yo motee wa bona a tsoge a fafatšwa. Ga se gona sa selo se seo re nago le sona se kgatlampanganago lehono, se bitšwago Pentecost, seo se kilego sa direga morago fale. Ba bile le diponagatšo tša therešo, le Moya wa Modimo magareng ga bona, yoo ka go se palelwe a bego a le Morwa wa Modimo a šoma ka bona.

Motho yo yoo a bego a tla tla, Molaetša wo, a ke re, woo o bego o tla tla, o be o tla ba boka Eliya. Eliya o be a le wa go tla makga a mararo.

Bjale le a bolela, gore, “Johane Mokolobetši o be a le mothaka yoo.” Ge le ka hlokomela, Jesu o rile go bile Johane Mokolobetši a bilego motseta wa Maleaki 3, e sego Maleaki 4. “Bonang, Ke roma motseta wa Ka pele ga sefahlego sa Ka.” Ke nagana Mateo 11:6, thwi go theoga ka fale le tla e hwetša, Mateo tema ya 11.

¹⁴⁷ Bjale, eupša ka matšatšing a a mafelelo, go tla tla Moya wa Eliya makgatheng ga batho, gomme o tla dira selo sa go swana seo ba se dirilego morago fale. Tlhago ya gagwe e tla ba selo sa go swana, tlhago ya Kereke. Tlhago ya mo—mo motho e tla ba tlwa selo sa go swana. Gomme Molaetša wola o eya ntle, leka . . . O tla hloiwā, le batho. O tla hloya basadi, ba swele, go le bjalo, ba babe. Rata lešoka; wa dimutsu, mothaka wa go nyama nako yohle, boka Eliya a bile, le boka Johane a bile. Gomme re bone selo se sohle se phethega. Ge eba re bile le Molaetša, re bona Kriste a gannwe. O swanetše go ba wa wo mongwe wa mekgatlo ye goba o ka se tsena ka go yona. Kafao, Yena, O lahletšwe ka ntle. Le a bona? Kriste ga a kgone go šoma magareng ga bona.

“O eng?”

“Mokriste.”

“O wa kerekeleina efe?”

“Ga ke wa e ka ba efe.”

“Re ka se go šomiše.”

¹⁴⁸ Le a bona, O gannwe. Thwi! Le a bona, o gannwe! Eliya le yena o gannwe bjalo, gomme le Johane o gannwe bjalo. Eupša, eng, a e ba gobaditše? A e gobaditše molaetsa wa bona? Ba rile, “Oo, lena ba melalamethata.” Ba e tšholletše go bona. Ga se ba hlekenesetše. Ba ile pele thwi. Gomme Molaetsa wa Modimo o tla ya pele thwi, go sa kgathalege se e ka ba mang a se boletšego, le a bona, go fihla pheletšong, gomme ge... seo se beetšwego se tla tšhollewa ntle. Gomme re bofelong.

¹⁴⁹ Bjale, re ikhwetša renabeng bjale, mo mengwageng ye masomenne ya go tleng morago, ge e sa le Ntwa ya Pele ya Lefase, gomme Bajuda ba boile morago go naga ya bona beng. Modimo ga se nke a dirišana le Israele go fihlela a be a le ka nageng ya gagwe mong.

¹⁵⁰ Bjale, le elelwa ge Bajuda ba boela morago, bona Bajuda go tšwa tlase ka ditšhabeng tše dingwe, gomme kgatišobaka ya Look e fa athekele ya yona. Ke badile setsopolwa go tšwa go pampiri tsoko, kgatišobaka tsoko ya sedumedi, gore ge ba... Tšona difofane di theogetše tlase fale go topa Bajuda bale tlasetlase ka Iran. Gomme ga ke tsebe moo bohle ba bego ba le, ba no tšitlana fase.

Bjale, bona ke Bajuda ba therešo, bona ba ba sa nkago ba ba le monyetla. Bjale, ngwanešu, šebale ba dikete tše lekgolo le masomenne nne,. Ge re fihla go Dikutollo 11, le tla ba bona. O rile, “Go ne meloko ye lesomepedi (wa Gade), meloko ye lesomepedi (wa Asere,) meloko ye lesomepedi (wa Rubene), meloko ye lesomepedi...” Gomme bohle ba be ba eme kae? Mo thabeng ya Sinai. Bajuda, morago ka go nagalegae, ba be ba le fale. Ba be ba le bona bao ba bego ba se sehlopha se sa baradia ba Wall Street. Aowa, mohlomphegi. E be e le Mojuda wa kgonthe.

¹⁵¹ Gomme ge rabi yo wa motšofe a eme ntle fale gomme a bone sefofane se se tsokama, bona Bajuda. Le e bala ka go kgatišobaka. Ba be ba sa lema ka megoma ya kota. Gomme ge ba bona selo sela se kotama fase ntle fale, ba be ba sa ye go se rarela. Rabi yola wa motšofe o eme ntle fale gomme o rile, “Elelwang, moprofeta wa rena o rile, ‘Ge re boela morago go nagalegae ya rena, re tla rwalelwa morago diphegong tša ntšu.’”

Ditšhaba di a thubega, Israele e a tsoga,
Maswao ale baprofeta ba a boleletšegopele.

Re batametše go betha beke yela ya bomasomešupa bakeng sa bona.

¹⁵² Ke a nagana, nnamong, ke eme ntle fale, ge Ngwanešu Pethrus a ba rometše tšona Ditestamente tše dinnyane, gomme

ba di badile. Ba rile, "Gabotse, ge yo e le Mesia, a re—a re Mmone a dira leswao la Moprefeta; ge A se a hwa, O a phela." Ba rile, "O tsogile gape; O phela ka Kerekeng ya Gagwe; a re Mmone a dira leswao la Moprefeta, gomme re tla Mo dumela." Bajuda ka mehla ba dumela . . . Ba a tseba Mesia o be a tla ba Moprefeta.

¹⁵³ Gomme ge ke eme ntle mošola ga Ngwanešu Arganbright letšatšing lela, mo lefelong, gomme bona Bajuda ba eme fale, ba rile, "No tla lefelong la rena, batho ba rena."

¹⁵⁴ Ke rile, "Kgonthe, ke tla thakgalela go tla." Ke nno dira sephetho, ka bjako kudu.

¹⁵⁵ Ke fihlile Cairo, Egepeta. Bošegong bjo bongwe, ge ke bone sefofane se theogela fale ka Cairo, se nkogopoditše. Kafao ge ke fihlile morago fale, gomme ke swere thekethe ya ka go ya godimo ka Israele, ba be ba eya go nkagahlanetša. Ke rile, "Eyang, kgoboketša dikete di se kae tša baetapele. Ba tlîše ntle sefofaneng felotsoko, re tla hwetša ge eba O sa le Moprefeta goba aowa. Amene. Gabotse, a re boneng se A tla go se dira." Oo, seo se be se no ba thwi ka seatleng sa bona. Ke seo ba se nyakilego. Ge ba ka bona seo, ba tla se dumela.

¹⁵⁶ Kafao ke dirileng? Ile tlase fale ka Cairo, gomme ke thomile go ya godimo fale. Ke šetše ke swere thekethe ya ka; e ka ba metsotsye masomepedi go nako ya go bitša. Sengwe se rile, "E sego bjale. Komiki ya makgopo, a Bantle, ga se ešo ya tlala. Baamoro ga se ba be ba phethagatšwa. Etšwa fale!" Ke naganne mohlomongwe ke nno akanya seo, gomme ke ile ntle ka morago ga bolotadifofane gomme ke rapetše. Se rile, "Etšwa fale bjale." Morago ke tšere thekethe ya ka gomme ke ile felotsoko gape. Ga se ke ye, gobane iri ga e so be.

¹⁵⁷ Bjale, ke nako efe yeo Modimo a yago go dumelala Bajuda bale, go thoma go mekamekana le bona gape, nka se kgone go le botša. Ga ke tsebe. Ga a gona a tsebago seo. Eupša, theetšang, ge eba Israele e šetše e le ka nagalegaeng la yona, yohle e komana. Maswika ohle o topetšwe godimo, le tshepedišonošetšo, meetse, le se sengwe le se sengwe seo Modimo a se tshepišitšego. Ba hweditše didiba le dilo fale, le dinoka tše kgolo tša go bulega, gore lela ke lefelo le lebotsebotse o ka tsogego wa le bona. Ba ne toropokgolo e agwa fale. Ba ne tshepedišonošetšo. Ba ne naga ye kaonekaone e lego gona ka lefaseng, fale. Gomme re hwetša, thwi ka Lewatleng la go Hwa, go ne dikhemikhale tše dintši, go lekanelo, go reka lefase gohle. Le a bona?

¹⁵⁸ Se sengwe le se sengwe se wetše thwi ka seatleng sa bona. Ba e dirile bjang? Gobane pelo ya Hitler e be e thatafaditšwe, pelo ya Mussolini e be e thatafaditšwe, feela boka pelo ya Farao e be e thatafaditšwe, le go ba gapela morago ka go naga yela. Gomme lebaka la mengwaga ye masomenne ba be ba bowa morago ka nageng yela. Bjale šebale ba dutše, ba letile.

¹⁵⁹ Kereke ya Bantle e ka go la Laodikia, bofelo bja Lebaka la Laodikia. Ge . . . Bajuda ba ka nagalegaeng ya bona, šetše ba le leale. Gomme bohlanogi bja Bantle šetše bo diregile. Gomme re ne Mopresidente boka re nae. Re ne setšhaba se arogane boka re naso. Re ne dipomo tša athomo di lekeletše mafegong. Re ne kereke ye e lego bolelo. Re ne Kereke, batho, bao ba ikgogelago mmogo bonabeng. Re ne bodiredi bjoo bo phethenago bodiredi bja Jesu Kriste, bakeng sa go swara Letlapa ge Le etla. Ke eng e šetšego go direga? Go ka no ba motsotso e ka ba ofe. Ga se sa le gona gape se šetšego. Re mo nakong ya bofelo. Oo, letago! Ga ke tsebe ge eba ke ya go kgona go tsena ka mogobong woo, goba aowa, eupša ke no nyaka—nyaka go hwetša karolo ya wona, golebjalo.

¹⁶⁰ Theetšang. A . . . Ke ba bakae ba kgonago go bona bjale? A le bona moo Lengwalo le netefatšago gore dibeke tše masomešupa e be e le mengwaga ye masomenne senyane? [Phuthego e re, “Amene.”—Mor.] A le bona moo dibeke tše masometshela seswai e bego e le mengwaga ye makgolonne le masometharo nne? [“Amene.”] Le bona moo di—di dibeke tše masometshela senyane gona di be—di be—di be . . . E be e le eng? Makgoloseswai le . . . Makgolonne le—le masomeseswai tharo a mengwaga. Mengwaga ye makgolonne le masomeseswai tharo go fihla nakong ye. Le bona moo Mokgoma a ripilwego? Le a bona, le tsea mengwaga ye masomenne bakeng sa bona Bajuda go fihla mafelelong ba fihla ka lefelong la bona, moo Modimo a go boletšego.

¹⁶¹ Lebelelang godimo fa moo lebaka la Bantle le tlilego go kgabola se sengwe le se sengwe seo re rilego se le dira; moo, e sego re rilego le tla dira; se Beibele e rilego le tla dira. Se Beibele e rilego le tla dira, go tla thwi go theoga lebaka le la mafelelo; gomme lebaka la mengwaga ye masomenne bona Bajuda ba be ba boela morago ka fa, ba eba komana bakeng sa Modimo go dira tlwa se A se dirilego fa. Ba ile ntle ka tsela yeo, gomme ba bowa ka tsela yeo. Gomme Israele e morago ka go nagalegae ya yona.

¹⁶² Bjale, Modimo o ya go thoma neng beke ye ya mafelelo ye? Neng? Go ka no ba lehono. Go ka no ba pele letšatši le dikela bošegong bjo. Modimo o tla e kwalakwatša. Ke neng, ga ke tsebe. Ke a makala. Eupša ke ya go tliša se sengwe fa, bjale, mo metsotsong e se mekae, gomme ga ke tsebe ge eba le ya go se dumela goba aowa. Eupša ke—ke—ke swanetše go se bolela, go le bjalo, ke a dumela.

¹⁶³ Re mo nagalegaeng. Bajuda ba ka nagalegaeng. Re mo bofelong bja lebaka, re komana bakeng sa Tlhatlogo. Tlhatlogo e a tla, Kereke e a rotoga, re ubulelwa godimo go Mo gahlanetsa sebakabakeng. Re tseba selo bohole. Letlapa leo le kgomotšwego thabeng, le komana go tla nako efe kapa efe. Gomme ge Le etla, Le dira eng? Le fetšiša lebaka la Bantle. Go fedile, gomme Modimo o tlogela ka go felelela go mekamekana le bona. “Anke yena yoo a tšhilafetšego a fele a tšhilafetše; anke yena yoo a lego

yo mokgethwa a fele a le yo mokgethwa.” Le a bona? O dira eng nako yeo? O tsea Kereke ya Gagwe, ya go tlala ka Moya wo Mokgethwa.

¹⁶⁴ Ke ba “ditšila”? Bao ke kgarebe ye e robetšego le bona bao ba tlago godimo bakeng sa kahlolo, godimodimo *fa*. Re tla fihla go yeo go mmepe wo mongwe, ge re tšwetšapele wo godimo, moo a tlago godimo go Terone ye Tšhweu ya Kahlolo gomme a swanetše go ahlolwa ke balopollwa. Paulo o re boditše go se iše taba go kgorotsheko, gobane bakgethwa ba tla ahlola lefase. Yeo ke nnete. Re mo bofelong bja nako, *fa*, bjale. [Ngwanešu Branham o bolela ka sethalwa sa gagwe letlapeng—Mor.] Go lokile.

¹⁶⁵ Gomme mo bogareng bja beke ye...Bjale, tše masomešupa šedi. Bjale, ge tše tlwa di bile mengwaga ye šupago, ye nngwe le ye nngwe ya dibeke, gomme šetše re bile le dibeke tše masometshela senyane, gona re ne lebaka la Bantle, gomme re a tseba re bofelong bja lebaka la Bantle, gona go sa ne beke e tee gape e šadišeditšwego Bajuda. A yeo ke nnete? [Phuthego e re, “Amene.”—Mor.] Gomme yeo ke tlwa mengwaga ye šupago. Ge *ye* e bile mengwaga ye šupago, *yela* ke mengwaga ye šupago, gobane O rile, “Go ne dibeke tše masomešupa di beetšwego batho ba geno.” Kafao re a tseba re ne mengwaga ye šupa bakeng sa Bajuda. A yeo ke therešo? [“Amene.”] Bjale e lebeleleng. Ge eba go ne potšišo, ke nyaka go e tseba. Le a bona?

¹⁶⁶ Bjale, mo bogareng bja beke, bogareng bja beke ya Bajuda; le a bona, yeo ke mengwaga—mengwaga ye meraro le seripa; molwalekriste, mokgoma, mokgoma yoo a tla tlago. Gomme elelwang, o tšwa Roma, mokgoma yo a tla tlago. Yena ke eng? Mopapa. Mokgoma magareng ga batho, yoo a tla tlago, go tla tsoga Farao yo a sa tsebego Josefa.

¹⁶⁷ Bjale, lena Maprotestant le re, “Gabotse, bjale, yeo ke yona.” Eupša feela motsots. Re hwetša gore Maprotestant a ne mokgatlo, ba dira mohlakanelwa wa dikereke, seswantšho go sebata, le go ya thwi le bona.

¹⁶⁸ Gomme re hwetša ntle fa gore Bajuda ba biletšwa ka gare ka go mohlakanelwa wo, (ee, mohlomphegi), gomme ba a dumela. Gomme Beibele e rile ba tla dira. Gomme o dira kgwerano le bona.

Mo gare ga beke ya bomasomešupa, o a roba, molwalekriste o roba kgwerano ye le Bajuda, “batho ba geno.” Gobaneng?

Gomme re bala ka go Dikutollo 11, gore, “Ke tla roma...” Yeo ke 11. Le tla godimo go leba 19 bjale. Gore O tla romela baprofeta ba Gagwe ba babedi, gomme ba tla profeta nakong yeo, gomme ba tla befelelwa baprofeta ba gomme ka nnete ba ba bolaya. A yeo ke nnete? [Phuthego e re, “Amene.”—Mor.] Gomme mebele ya bona ya go hwa e tla robala mokgotheng wa semoya o bitšwago Sodoma le Gomora, moo Morena wa rena

a bapoletšwego, Jerusalema. Yeo ke nnete? [“Amene.”] Gomme ba robala fale bakeng sa matšatši le mašego a mararo. Gomme ka morago ga matšatši le mašego a mararo, moya wa bophelo o tla tla ka go bona, gomme ba tla tsošwa le go ya ka Letagong. Gomme karolo ya lesome ya toropokgolo e wele nakong yeo. A yeo ke nnete? [“Amene.”] Le a bona? Ke eng seo? Mo bogareng bja mengwaga ye ya mafelelo ye masomešupa.

¹⁶⁹ Ge Kereke e rotoga; gona mohlakanelwa, kgarebe ya go robala, Methodist, Baptist, Presbyterian, le Pentecost ye bolelo, bohole ba bona mmogo le mohlakanelwa. Wo, ba šetše ba hweditše pušo ya bona ye kgolo bjale. Gomme ge ba dira, ba tla dira kgwerano. Gomme, gabotse, bjale, mopapa yo moswa yoo re nago yena bjale o nyaka go ba tliša bohole ka gare. A ga le bone selo se pakelana godimo thwi? [Phuthego e re, “Amene.”—Mor.] O ya go fa polelo ka yona, le go ba tliša ka gare bohole, lekga la mathomo lebakeng la makgolo le makgolo le makgolo a mengwaga; mengwaga ye sekete, goba tše pedi, e kile ya ke ya dirwa. Eupša bjale o ya go ba tliša ka gare bohole, mmogo, le go dira mohlakanelwa, gomme ka fale Bajuda ba tla o amogela. Oo, nna! Letago! Haleluya! Tumišo go Modimo wa rena Yo a phelago neng le neng le neng! Ke lena bao! Bjale, ngwanešu, go no ba bonolo, bonolo bjalo ka ge segotlane se ka kgona go e bona. Mohlakanelwa wa go tliša Bajuda, le Protestant, le Katoliki, mmogo.

Gomme, elelwang, baprofeta ba ba babedi ba ya go dira eng ge ba etla?

¹⁷⁰ Sebata se, mokgoma yo o tla gašanya maatla a batho ba bakgethwa, o tla dira eng? O tla roba kgwerano ya gagwe le bona. Ka morago ga mengwaga ye meraro le seripa, o tla ba raka. Bjale, batho ba nagana yeo ke bokomonisi. Seo e no ba gobane o... Moya wa Modimo ga se o šo o mekamekana le lena. Ga se bokomonisi; ke bodumedi. Beibele e rile, “E tla ba kgauswi kudu go fihla e tla fora le bona Bakgethiwa ge go kgonagala.” Jesu o boletše bjalo. Le a bona, re mo mafelelong.

¹⁷¹ Bjale, baprofeta ba babedi ba, ba tla dira eng? Ke Moshe le Eliya bao ba tla tsogago lefelongtiragalo. Ba tla botša Bajuda bale bošaedi bja bona. Gomme go tšwa go sehlopha sela sa Bajuda seo se lego fale bjale, go ba dikete tše lekgolo le masomenne nne, Modimo o tla ba bitša ka baprofeta ba. Ke eng? Moya wa Eliya, go tšwa Kerekeng ya Bantle ye, o tla no tšwelapele thwi ka go kereke ya Bajuda, go ya thwi pele ka gare le go bitša; Moshe le yena. Haleluya! Le a e bona? [Phuthego e re, “Amene.”—Mor.] Gomme o tla rera molaetša wa go swana wa pentecost, go Bajuda bale, gore ba ganne Mesia. [Ngwanešu Branham o kokota phuluphithing makga a tshela.] Amene! Le a e bona? [“Amene.”] O tla ba molaetša wa go swana wa pentecostal, woo Bajuda ba ba tla o rerago thwi go bona. Gomme ba tla hloya Bajuda bale gampe kudu go fihla ba tla

ba bolaya. Gomme ba be ba hloilwe ke ditšhaba tšohle. Gomme mo bogareng bja beke, ka lebaka la gore ba be ba tsošitše ba bagolo, dikete tše lekgolo le masomenne nne ba maatla . . . Ba bile le Moya wo Mokgethwa. Gomme, ngwanešu, o bolela ka go dira mehlolo, ba e dirile. “Ba emišitše magodimo, gomme ga se e ne mo matšatšing a seprofeto sa bona; ba otlide lefase ka dikotlo, kgafetša ka moo ba nyakilego.” Ba file dikotlo le se sengwe le se sengwe gape. Ba tla fa bona Baroma tsela ye thata go ya. Eupša, mafelelong, ba tla bolawa. Modimo wa rena ke Modimo yo a šiišago ge A befedišitšwe. Eupša elelwang, yeo ke godimo ka go beke ya bomasomešupa, gomme Kereke e ka Letagong, (amene), Monyanya wa Selalelo o a kgatlampana. Ee!

¹⁷² Bjale hlokomelang. Ke moo re bonego go tleng ga Gagwe morago go Tempele ya Mileniamo godimo fa mo bofelong bja lebaka la Bajuda, “batlotšwa.” Šo O a tla, a nametše pere ye tšhweu; bale ba Mo latelago, go dipere tše tšhweu. *Pere*, “maatla.” Ba apere bošweu; madi . . . goba seaparo se inetšwe mading; go ngwadilwe go Yena, “Lentšu la Modimo.” O tla bjalo ka Mofenyi yo maatla, (ee, mohlomphegi) go hloma Mileniamo, o tla ka Tempeleng. Letago! Šole O kopana le bale ba dikete tše lekgolo le masomenne nne, bjale, ka morago ga beke yela ya bomasomešupa fa.

¹⁷³ Beke ya bomasomešupa, ye e kgatlampana nakong ya beke ya bomasomešupa. Ka go a mararo, mo bogareng bja yona, o a e roba, gobane o bolaya baprofeta bale ba babedi ba pentecostal (. . . mohlomphegi) bao ba otlagol efase.

Gomme, šaatena, O rogaka kereke yela, gomme O e tšhuma ka mollo. Gomme, gobaneng, o . . . Re e hwetša ntle fa, ebile le bagweradikepe ba eme ntle, ba rile, “Mmaloo, mmalo, toropokgolo yela ye kgolo ya go se hwe ya Roma, o tla bofelong bja gagwe ka iri e tee.” O ile a rathaganywa ka diripana. Modimo o tseba ka fao a dirago dilo. Gomme yo mongwe wa Morongwa o lebeletše godimo, gomme o rile, “Gobaneng, madi a mohwelatumelo yo mongwe le yo mongwe wa Kriste a hweditšwe ka go yena,” bakeng sa go fora ga gagwe, go yeng ntle fa le go beakanya, le go direng mohuta wo mongwe wohle wa selo se, le go tšhilafatša kereke, le go tliša tšona dilo ka fale, le go bolaelatumelo bona bale bao ba lekilego go E boloka le go leka go ba tliša ntle.

¹⁷⁴ Letago! Oo, ga—ga ke tsebe. Ke—ke—ke ikwela boka go yeng pele. Le a bona? A ga la thakgalela Seetša sa Morwa, go sepeleng ka go Seetša sa Morwa! Re go kae, ngwanešu? Mo iring ya mafelelo! Go ka direga, nako efe kapa efe. Re fa!

¹⁷⁵ Mo—mo Molaetša o ile pele go kereke ya moragorago, kereke yeo e gannego Kriste wa yona. Bajuda ba ka go nagalegaae ya bona lebaka la sebaka sa nako se rilego, mengwaga ye masomenne. Toropokgolo ye mpsha e agilwe. Ba šeditše eng?

Mesia yo a tla. Go tla ba neng? Ga ke tsebe. Ge Letlapa lela le betha seswantšho *fa*, O ile; go fedile nako yeo.

¹⁷⁶ Bjale hlokamelang *fa*. Mo bogareng bja beke, matšatši a mararo le seripa . . . mengwaga ye meraro le seripa, a ke re, o roba kgwerano gomme o hlola sehlabelo le meneelo . . . yeo ba tla bego ba šetše ba e hlomile.

Gobane, ba tla ya morago thwi gomme ba re, “Bjale, lebelelang, lena bohole le dikereke. Le ka amogelwa ka go seswantšho se go sebata. Re tla ba le kopanelo. Re tla fetšiša bokomonisi. Re tla no swielela bokomonisi bjhole ntle.” Le a bona? Gomme ba ka e dira. Le a bona? Gomme ba tla e dira.

¹⁷⁷ Eupša bjale šetšang. Le go hloma, le go hloma go ye, thapelo le sehlabelo sa tšatši ka tšatši se tla tla morago ka go toropokgolo ge tempele e agilwegape. Gomme mokgoma yo yoo a tla tlago mo bogareng bja beke ye, o tla roba kgwerano ya gagwe le go fediša dihlabelo. E rile, “O tla šwalalanya, go e šwalalanya.” Gomme se a tla go se dira, gomme go tla ba go fihla pheletšong.

¹⁷⁸ Gomme hlokamelang:

. . . *tšhologelo ya makgapa* go dira tshenyo . . .

“Tšhologelo ya makgapa.” *Makgapa* ke eng? “Ditšhila.” Le a bona? “Go dira tshenyo,” ke eng seo? “Go fediša.” Tšhologelo ya se, go fediša seo. Le a bona? Tšhologelo ya maatla a Roma, go fenya kgarebe yohle e robetšego, Bajuda le bohole. “Bohole re tla ba Baroma goba re ka se be selo.” O tla roba kgwerano ya gagwe mo bogareng bja beke.

¹⁷⁹ “Tšhologelo ya makgapa.” Ge e bile makgapa nakong ya Jesu, ge Roma e be e tlie godimo fale le phatlatalatšomaaka ya bona, e tla ba Roma gape, e tla ba makgapa go kereke.

. . . go dira *tshenyo*, gomme e tla tšwelapele go fihla *pheletšong* . . .

O tla dira eng? O tla e tšwetšapele go fihla pheletšong, ke gore, bofelong.

¹⁸⁰ Bjale, Bojuda, Boroma, Boprotestant (ke gore, kgarebe ye e robetšego), ba tla hlakanela bonabeng mmogo ka sebopego sa federeišene ya dikereke. Gomme go tla ba boka Jesu a boletše ka go Mateo 24, le go tšwa go Dikutollo 13:14.

A re hwetšeng Kutollo 13:14, re se bone. Ke bile le yona e marakilwe fa, go se bona, 13:14. Go lokile, mohlomphegi.

Gomme se forile bona bao ba agilego godimo ga lefase ka mokgwa wa mehlolo yela ye a bilego le maatla go dira (go gahlanya dikereke tše) *mo pele . . . a re . . . mo pele ga sebata; a re go bona bao ba agilego godimo ga lefase, gore ba dire seswantšo go sebata, seo se bilego le ntho ya go iša lehung ka tšhoša, gomme se phedile.*

¹⁸¹ Bjale, re a tseba, ntle le pelaelo, yo sebata a bego a le, maatla ale ao a bilego le ntho ye e išago lehung yeo e ilego ya phela. E bile ge Roma ya bohetene e bolailwe, gomme Roma ya bopapa e tšere lefelo la yona; ge maatla a bohetene a bolailwe, gomme maatla a bopapa a tšere seksgoba sa ona.

¹⁸² Bjale, bjale, Dikutollo 13:14. Jesu, ka go Mateo 24, o ba seboditše ka yona. “Seswantšho go sebata.”

¹⁸³ Paulo, ka go Bathesalonika ba Bobedi tema ya 2, temana ya 3 le ya 4. A re e hwetšeng, re bone Paulo, se a se bolelagi fa ka sona. Moya wo Mokgethwa wola wo mogolo go mophrofeta yo mogolo yo wa Morena, re bone se a se boletšego ka ga sona mo letšatšing la mafelolo. Ka go Bathesalonika ba Bobedi, tema ya 2 ke se e lego. Go lokile, mohlomphegi. Gomme go thoma ka temana ya 3, ke a dumela ke yona. Go lokile, a re baleng bjale. Theetšang sekgauswi, yo mongwe le yo mongwe. Ke ba bakae ba dumelago gore Paulo o be a tletše ka Moya wo Mokgethwa? [Phuthego e re, “Amene.”—Mor.] Amene. Šetšang fa.

A go se be le motho ka le forago mokgwa ofe: gobane letšatši leo le ka se tle, ntle pele go etla go wa, . . .

O leka go e ntšha ka hlogong ya bona gore O tla thwi nakong yela. O rile, “Go swanetše go ba go wa go tšwa go Kereke, pele,” le a bona, go tla godimo ka go Lebaka le la Laodikia.

. . . *gomme motho yola wa sebe ut- . . . a utollwa, . . .*

“Motho wa sebe,” gosedumele go Moya wo Mokgethwa. Gosedumele go utolotšwe.

. . . *morwa wa tahlego;*

Boka Judase a bile, moswaramatlotlo a kerek.

Yo a ganetšago le go ikgodiša yenamong ka godimo ga tšohle tseo di bitšwago Modimo, goba seo se rapelwago; gore yena bjalo ka Modimo a dule tempeleng ya Modimo, . . .

Ngwanešu, a go ne motho lefaseng, ka ntle ga Vatican, yoo a dirago seo? A e go kae?

¹⁸⁴ Bjale, eyang godimo fa ka go Dikutollo 13, le go le bontšha gore monna yo o dutše go toropokgolo . . . ka go toropokgolo, gomme toropokgolo e dutše go—go dithaba tše šupa. Gomme dinomoro tša sebata ke makgolotshela le masometshela tshela, e ngwadilwe ka—ka Selatini . . . alefabete ya Seroma, ke makgolotshela le masometshela tshela, ke *VICARIVS FILII DEI*, e lego, “Legatong la Morwa wa Modimo,” go terone ya mopapa. Gomme setulo sa gagwe, se ne mphaphahlogo wa go hlatlagana gararo. Gomme ke lebeletše thwi go mphaphahlogo, ke eme kgauswi bjalo ka ge seatla sa ka se le go sefahlego sa ka, ka mokgwa woo, gomme—gomme ke bone mphaphahlogo o kgabištšwego wa mopapa thwi fale ka Vatican, nnamong, ke eme le go o lebelela, go ba le kgonthe ke tseba se ke bego ke

bolela ka sona. “O a ganetša, yenamong ka godimo ga tšohle di bitšwago Modimo, banna bohle ba bomodimo. Ke yena yo mokgethwakgethwa wa bona bohle; o dutše ka tempeleng ya Modimo, a no ipontšha yenamong ke yena Modimo,” a lebalela dibe lefaseng, le go ya pele, le a tseba. Kgonthé.

¹⁸⁵ Paulo o rile, “Go wa gola go tla swanela go tla pele, morwa yola wa tahlego a utollwe.”

A ga le elelwe, gore, ge ke be ke . . . ne lena, ke le boditše dilo tšeо?

¹⁸⁶ Oo, ke rata go ba nkabe ke dutše fale, ke ekwa Paulo a rera yeo. A le be le ka se? [Phuthego e re, “Amene.”—Mor.] Mmm! Ke be nka rata bjang go mo theeletša. Oo, nna!

¹⁸⁷ Bjale o ya go dira eng? “Seswantšho go sebata.” Bathesalonika ba Bobedi. Bjale theetšang. Theetšang sekgauswi bjale, sekgauswi ka kgonthé. Kereke e be e šetše e ikwela go tleng ga mopapa. Ke eng? Bofelo bja lebaka, Paulo. Ba bone selo se sa Nikolaite se be se rotoga; ba be ba eya go dira monna yo mokgethwa, (go eng?) mopapa. Bolefase le botsebalegi bo ngwegetše ka kerekeng, le go fetola lenaneo la go rapela. Paulo, ka Moya wo Mokgethwa, o be a swere seo ka Moya. Gomme kereke, ka magoro le bahlomphegi ba yona, batho ba bahlomphegi, le go ya pele, gore ba bone go be go etla se sengwe. Gomme Moya wo Mokgethwa o be o ba sebotša ka ga matšatši a mafelelo. A le elelwa ka fao Jesu a boletšego ka yona? Mediro ya Banikolaite, ye mafelelong e bilego thuto, gomme morago e bile mokgatlo! Baena, ga re leswiswing bjale. Elelwang, le a bona. Ke rena ba.

¹⁸⁸ Mediro ya Banikolaite, mokgatlo o thomega, bahlomphegi ba bagolo, le godimo ga dikereke, le go ya pele, morago ba ipopile ka go kereke ya Katoliki. Gomme Paulo o rile go ka se be le bofelo, go ka se be le nako, go fihla go wa go tloga go ya kgonthé, Tumelo ya pentecostal. Tumelo ya Pentecostal e tla fedišwa, gomme bahlomphegi ba tla tsena ka gare. Ba tla ba le monna yoo a tla tšeago legato la Modimo, a dule ka tempeleng ya Modimo, gomme a ganetše, yenamong ka godimo ga batho bohle ka mokgwa woo. Gomme, yona, le a bona, ke eng? Nickao, “go fenyá maloko.” Le a bona? “Tšohle tšeо di bitšwago Modimo; o tla dula ka tempeleng ya gagwe ya Modimo, boka Modimo.” Paulo o rile go tla ba le go wa pele, mo matšatšing a mafelelo. Gomme ke rena ba, thwi fa bjale, gomme go bona go wa fale, le go bona kereke e eya kgole le kgole go tloga go Ona, le go ya thwi morago gape. Gomme re mo nakong ya bofelo. Go lokile.

¹⁸⁹ Bjale, ge eba dibeke tše masometshela senyane di bethile ka go phethagala, gomme Bajuda ba ka go nagalegæe ya bona bjale, gomme lebaka la kereke ya Bantle le bethile tlwa go bofelo bja nako, go nako ya Nikolaite . . . goba nako ya Laodikia; go Tleng ga Morena go kgauswi gakaakang, bofelo bja dilo tšohle, bofelo

bja lebaka le, le Tlhatlogo? Nakwana A thomago beke yela ya bomasomešupa, goba mengwaga ye šupa, Kereke e ile.

¹⁹⁰ A le kgona go e bona, bagwera? Phagamišang seatla sa lena ge eba le kgona go e bona. Le a bona? Bjale, a re se beng bana. A re se sa bang go raloka. Re bofelong bja nako. Se sengwe se lokela go direga. Re bofelong. Ke rena ba.

¹⁹¹ Dibeke tše masometshela senyane di betha ka go phethagala; go tlogeng ga Bajuda go betha ka go phethagala; lebaka la kereke le betha ka go phethagala. Re mo bofelong bja nako, bofelong bja nako, lebaka la kereke ya Laodikia, bofelo bja lona. [Ngwanešu Branham o šomiša tšhupetšo ya letlapeng—Mor.] Naledi batseta bohle ba rerile molaetša wa bona. E ile ntle. Re no ba re hlehla. Bajuda ba be ba etla morago lebaka la mengwaga ye masomenne. Ba ka go nagalegae ya bona.

Ke eng e tla diregago go latela? Go tleng ga Letlapa. Ke rena bao. E tla direga nako efe? Ga ke tsebe. Eupša, ngwanešu, go nna, ke nyaka go ba komana. Ke nyaka go ba le diaparo tša ka tšohle komana.

¹⁹² Bjale, re no ba feela—feela le metsotso e se mekae kudu, gomme ke duma le ka theetša ka go hloafala bjale feela lebaka la motsotso.

Nako ye A thomago beke ya bomasomešupa, goba mengwaga ye šupa, Kereke e ile. Bjale theetšang. Ke a tsopola gape, ke a tsopolagape, gore le se lebale. Se ke se Moya wo Mokgethwa o se beilego godimo ga pene ya ka ge ke be ke ngwala. Re lebakeng la Laodikia. Kriste o ganwa ke kereke ya Gagwe Mong. Naledi ya lebaka le, Molaetša, o ile pele. Gomme Israele e ka nageng ya yona. Le bona moo re lego? Re bofelong.

Bjale, feela tshwayo e tee goba tše pedi.

¹⁹³ Sohle se bjale seo re se bonago, go tla re hola, ka mogau wa Gagwe, ge re leka go batamela Mahuto a Šupago a mafelelo a. Le bona moo re ka bego re e fošitše? Go tloga go Dikutollo 6:1 go fihla Dikutollo 19:21, re ka be re e fošitše, gobane, le a bona, re ka be re lekile go e šomiša morago *fao*, ka go lebaka le la Bantle le; moo, le a bona, ke godimo ka go lebaka *le*. [Ngwanešu Branham o diriša tshwantšho ya letlapeng—Mor.] Le a bona?

Bjale, re e netefaditše ka Lentšu la Modimo, le ka histori, le ka se sengwe le se sengwe, le ka maswao le dinako, ka matšatši, gore ga go sa šetše selo. Re mo pheletšong ya Bantle. Re ya—re ya go dira eng ka yona? Ke soulo ya ka le soulo ya gago; ke bophelo bja ka le bophelo bja gago; ke bophelo bja baratwa ba rena. Re pepetleditšwe kudukudu. Re bile le dilo tše dintši ga bonolo kudu. Bokaone re sepele. Go thari go feta re nagana, nno elelwang.

¹⁹⁴ Bjale, setatamente sa go gakala, ge le nyaka go se ngwala. Theetšang sekgauswi, hle. Ye ke tshwayo ya ka ya mafelelo,

kgauswi le yona; ke ne selo se sennyane nthathana fa feela morago ga se, noutu ye nnyane ke nyakago go bolela ka yona. Bjale khutšang feela nakwana gomme le theetšeng kgauswi, go le fa se sengwe seo se gakatšago, go ya thwi ka gare go se. Le a bona?

Ebile ga go na bophara bja bogale bja thipa magareng ga bofelo bja lebaka le le go Tleng ga Kriste. Se sengwe le se sengwe, ga se sa le gona se šetšego. A Israele e ka go nagalegae ya yona? Re tseba seo. [Phuthego e re, "Amene." Mor.] A re ka Lebakeng la Laodikia? ["Amene."] A Molaetša wa lebaka le la pentecostal o ile pele, go leka go Šikinya batho morago go Tšhegofatšo ya setlogo ya pentecostal? ["Amene."] A motseta yo mongwe le yo mongwe o tla go kgabola lebaka, feela tlwa selo sa go swana? ["Amene."] A ditšhaba di kgahlanong le ditšhaba? ["Amene."] Dinkhu? A go ne tlala ka nageng lehono, Kereke ya therešo e otlela makgolo a dimaele e nyaka go kwa Lentšu la Modimo? ["Amene."] "E sego bakeng sa borotho bo nnoši, eupša bakeng sa go kweng Lentšu la Modimo." Go tla tlala. ["Amene."] A yeo ke nnete? ["Amene."] Gobaneng, re phela thwi ka bogareng bja yona, thwi fa bjale. ["Amene."] Le bona moo re lego? ["Amene."] Re letile Letlapa lela.

¹⁹⁵ Setatamente sa go ratha! Go tloga nakong ye Modimo a dirilego tshepišo go Abraham... Se fetwe ke se. Go tloga nakong ye Modimo a dirilego tshepišo go Abraham, Genesi 12:3, go ya nakong ye Kriste a gannwe ka A.D. 33, ke Bajuda; go ya ka Bagalatia 3:16 le 17, le go ya ka ya Ashara, ya-A-s-h-a-r-a, tatelanyo ya Ashara ya Bahebere; maatla a Modimo a be a ne Bajuda mengwaga ye makgolo a lesomesenyane le masometlhano nne tlwa. Modimo o mekamekane le Bajuda mengwaga ye makgolosenyane le masometlhano nne, go ya ka tatelanyo ya Bajuda, le go ya ka Bagalatia 3:16 le 17. Ke swere Mangwalo a mangwe, eupša go no fa ao.

Gona, ka morago ga ge ba ganne Kriste, o retologetše go Bantle, go tsea batho bakeng sa Leina la Gagwe. Le nyaka Lengwalo go seo, lefelo? Ditiro 15:14.

¹⁹⁶ Bjale, go bala nako, re hwetša gore re ne tlwa (theetšang) mengwaga ye lesomešupa e šetšego, gomme re tla ba le monabo wa nako ya go swana wa go fiwa rena, bjalo ka Modimo a mekamekana le rena ka maatla a Moya wo Mokgethwa, ge e sa le A.D. 33 go fihla 1977. Monabo wa go swana wa nako, wa mengwaga ye makgolo a lesomesenyane le masometlhano nne, Modimo a mekamekana le rena go swana A dirile le Bajuda. Go bjang ka seo!

¹⁹⁷ Bjale, marakang ka pukung ya lena, Lengwalo le lennyane fa ke nyakago go le fa. Lefitiko 25, go thoma ka temana ya 8. Modimo o biditše mogobo, ngwaga wo mongwe le wo mongwe wa bomasomenne senyane. Ngwaga wa bomasometlhano e be e

le mogobo. Re tseba seo. Re kwešiša seo. Go tloga ka mogobo wa mathomo, Lefitiko 25:8, ka 1977 go tla ba mogobo wa bomasomešupa, go direng tlwa mengwaga ye dikete tše tharo makgolonne le masometharo. *Mogobo*, go ra, “Go rotogeng! Khunollo!”

Oo, re šeditše go tla ga Letšatši lela la lethabo
la Mileniamo,
Ge Morena mošegofatšwa wa rena a tla tla le
go ubula Monyalwa wa Gagwe a letilego;
Oo, lefase le a bobola, le llela letšatši lela la
khunologo ye bose,
Ge Mophološi wa rena a tla tla morago lefaseng
gape.

¹⁹⁸ A le hweditše yeo? [Phuthego e re, “Amene.”—Mor.] Modimo o mekamekane le rena tlwa bokaalo bja nako ya go swana yeo A mekamekanego le Bajuda. Go tloga nakong ge A e fa Abraham tshepišo, go fihlela go ganweng ga Mesia ka A.D. 33, e bile mengwaga ye makgolo a lesomesenyane le masometlhano nne. Gomme bjale re ne mengwaga ye lesomešupa e šetšego. Re bile le e ka ba mengwaga ye makgolo a lesomesenyane le masometharo le metšo. Re ne mengwaga ye lesomešupa e šetšego, go fihlela '77, go tla ba mogobo wa bomasomešupa ge e sa le mathomong a megobo. Gomme o tla dira eng? Oo, ngwanešu! Šetšang sekgauswi bjale. Le se e foše. E tla ba mogobo wa go rotogeleng ga Monyalwa wa Bantle, le go boweng ga Kriste go Bajuda, ge ba etšwa bokgobeng. Amene! Ga le e bone? Go tloga lefaseng lohle, ba tla kgobokana fale bakeng sa letšatši leo. Oo, nna! Le bona moo re lego? Ga re tsebe ke nako efe go tla diregago. Re mo bofelong.

¹⁹⁹ Bjale theetsang. Go lena batala fa ka ke—ka kerekeng, bao le bilego fa lebaka la nako ye telele, Ke nyaka le hlokomele se sengwe. Ga se ka tsoge ka ithuta se go fihlela maabane; ke se topile go tšwa go rahistori, Paul Boyd, gomme gona... Gomme ke e latišitše morago go kgabola Mangwalo, go topeng matšatšikgwedi a a mangwe fa, le go ya pele, gomme ke e hweditše, le go e kitimiša, go e latiša go kgabola.

²⁰⁰ Bjale, ka 1933, ge re be re rapela godimo fa ka tempeleng ya Masonic, moo church of Christ e emego lehono, go mosong wo mongwe wa Aporele, pele go tlogen gae, ke be ke gafela koloi ya ka (ke hweditše koloi ya motlolo wa '33, gomme ke be ke e gafela go tirelo ya Morena.), gomme mo ponong, ke bone nako ya bofelo (Bjale hlokomelang ka fao se se rathago, morago mošola ge ke be ke sa no ba mošeman, gomme le ka eleletša se koloi ya motlolo wa 1933 e bogegilego boka, bjale, se e bogegilego boka.), gomme ke ile godimo fale go tempele ya Masonic, moo, ba bangwe ba lena batala ka fa le a elelwa, go ngwadilwe lephepheng la kgale kua gae, e šetše e gatišitšwe gomme e ile go rarela lefase, le a bona, yeo e bile ka 1933, gomme ke akanyeditšepele gore go tla

ba le masetlapelo a itšego a magolo a diregago go United States ye pele, goba, ka ngwaga wa 1977. Ke ba bakae ba nkgopolago ke bolela seo? [Batala ba re, “Amene.”—Mor.] Lebelelang seatla. Kgonthé.

²⁰¹ Bjale šetšang. Ke akanyeditšepele dilo tše šupago di bego di sešo tša ba ka go dirweng ga . . . pele ga pheletšo ye ye kgolo goba selo se segolo se tla diregago fa ka United States, selo se segolo sa go šiiša. Ke rile . . .

Bjale elelwang, ye ke pele ga ge e thoma. Ke rile re tla ya ka go Ntwa ya Bobedi ya Lefase. Ke ba bakae ba elelwago ba nkwa ke e bolela? E reng, “Amene.” [Phuthego e re, “Amene.”—Mor.] Go lokile. Ntwa ya Bobedi ya Lefase! Ke rile, “Mopresidente yoo bjale a lego . . .” ke kopile se go tšwa lengwalong la kgale, efela, selo sa kgale maabane, gore, “Mopresidente yoo re nago bjale,” e bego e le . . . Ke ba bakae ba elelwago e be e le wa mang? [Ngwanešu o re, “Franklin Roosevelt.”] Franklin D. Roosevelt. Ke rile, “Mopresidente re nago bjale o tla ya ebile theme ya bone,” o be a le go ya mathomo ya gagwe nako yeo, “o tla ya ka go theme ya bone, gomme re tla išwa go Ntwa ya Bobedi ya Lefase.”

²⁰² Ke rile, “Mmušanoši yoo bjale a tsogago ka Italia, e lego Mussolini, o tla tla maatleng. Gomme o tla ya Etiopia, gomme Etiopia e tla wa dikgatong tša gagwe.” Go ne batho ba dutšego fa bjale bao ba tsebago, gore go ne sehlopha sa batho se tla le go ema, ge ke be ke ne kopano ya ka ka Redman’s Hall tlase fale bošegong bjola, ge ke swanetše go theogela fale go rera yeo, Redman’s Hall, gomme ba be ba eya go nthaka ka holong bakeng sa go boleleng selo se sebjalo. [Kgaetsedi Wilson o re, “Amene. Yeo ke nnate.”—Mor.] Ya. Ya. Mdi. Wilson, Ke a tseba o . . . [“Yeo ke nnate.”] Yeo ke nnate. Ge ke boletše seo . . . Eupša a o e dirile? “Eupša,” ke rile, “o tla tla bofelong bja dihlong,” gomme o dirile. Yena le mosadi a tšhabilego le yena, ba retolletšwe go hlanolwa gomme ba lekeleditšwe go ropo mo mokgotheng, ka maoto a bona godimo, diaparo tša bona di lekeletše fase. Go lokile, seo se diregile.

²⁰³ Gomme morago ke rile, “Basadi ba dumelitšwe go bouta. E lego kgobogo go setšhaba ka therešo. Gomme, go bouteng, letšatši le lengwe ba tla kgetha motho wa phošo.” Gomme ba dirile seo dikgethong tša mafelelo. Nna, nna! Nne . . . (Ke rile, “Saense e tla gatelapele ka tsela ye bjalo . . .”) Aowa, fa, yeo ke ya boraro. Ntshwareleng.

²⁰⁴ Ya go latela še, fao, ya bone. Ke rile, “Ntwa ya rena e tla ba le Jeremané, gomme ba tla aga lefelo le legolo bogolo la khonkhoriti le go itšhireletša bonabeng ka fale, gomme Maamerika ba tla setlwa o šoro.” Ramaatlakamoka Modimo o a tseba, gore Yo ke emago pele bjale, ke bone Manazi ale a go ikema a raga Maamerika ka mokgwa wola, le dilo, mo lebotong lela. [Monna

ka phuthegong o re, "Amene."—Mor.] Gomme go ne bašemane ba bantši ba emego fa bjale bao ba bego ba le ka go Siegfried Line yela, bao ba tsebago se e bilego. ["Amene. Ee, mohlomphegi. Amene."] Gomme elelwang, yeo e bile mengwaga ye lesometee pele Siegfried Line e agwa. A Modimo o a rereša? [Phuthego e re, "Amene."] A o sa bolelelapele dilo go direga? ["Amene."] Setšang. Yeo ke, yeo e bile ya bone.

²⁰⁵ Bjale selo sa bohlano. "Saense e tla gatelapele ka tsela ye bjalo go fihlela ba tla dira koloi yeo e ka se hlahlwego ke seterebelo. Gomme dikoloi di tla tšwelapele go bopega boka lee, go fihlela pheletšong, bofelong bja nako. Ke bone lapa la Amerika le theoga mmileng, ka tsela ya go phatlalala, le otlela ka koloing ka mekokotlo ya bona e retolletšwe go leba fao lebilo le swanetšego go ba gona, go bonagetše eke ba be ba bapala tšhekase goba dikarata." Gomme re ne yona. E mo thelebišeneng. *Popular Science, Mechanics*, a ke re, yohle e ne yona. Re ne koloi. E laolwa ka remoutu, ka—ka ratara. Ebile ga ba swanela go ba le seterebelo se itšego go yona. No bea go tobetša ga gago ka mokgwa wo, boka o tobetša mogala wa gago, gomme koloi ya gago e go iša thwi go yona; ga e thule, goba selo, ga go dikoloi tše dingwe. Makenete o tloša ka moka ga tšona kgole le wena. Le a bona? Ba ne yona. Oo, nna! Naganang ka yona. E akanyeditšwepele mengwaga ye masometharo pele e direga!

²⁰⁶ Bjale, seo se re tliša gona go kgetho ya Mopresidente Kennedy.

Gomme koloi ye e tlago—go lefelotiragalo, go tliša dilo tše tlhano (go tšwa go tše šupago) tše di diregilego tlwa.

²⁰⁷ Bjale, ke akanyeditšepele, gomme ke rile, "Ke bone mosadi yo mogolo a eme, wa go lebega bobotse, a apare ya kgontha ye godimo moretele wa go bogega segoši." Gomme ke ne mašakana a mannyane tlase fa, "(O be a le mmuši yo mogolo ka United States; mohlomongwe kereke ya Katoliki.)" Mosadi, mosadi tsoko; ga ke tsebe e tla ba kereke ya Katoliki. Ga ke tsebe. Nka se bolele. Selo se nnoši ke se bonego, ke bone mosadi, seo ke sohle.

²⁰⁸ Eupša se ke setšhaba sa mosadi. Setšhaba se ke nomoro ya lesometharo, ka go seprofeto. Se ne merapapitsi ye lesometharo, dinaledi tše lesometharo. E thomile dikoloni tše lesometharo. Lesometharo, lesometharo, se sengwe le se sengwe lesometharo. E tšwelela ka go tema ya 13 ya Dikutollo, ebile. Ke yena lesometharo. Gomme ke yena setšhaba sa mosadi.

²⁰⁹ Dikgoro tša tlhalo ka Amerika di tšweletša ditlhalo tše dintši, ka basadi, go feta ditšhaba tšohle ka moka. Maitshwaro a nageng ya rena a tlase, le ditlhalo, go feta go le ka Fora goba Italia, moo bommalegogwana bo lego mokgotheng. Kafao, eupša ke bona bommalegogwana; ba rena ke basadi ba ba nyetšwego ba leka go phela le banna ba bantši, le banna ba ba nyetšego ba bantši ba leka go phela le basadi ba bangwe.

²¹⁰ Mo dinageng moo ba nago le lenyalobontši, go makga a dikete bokaone. Gomme, efela, lenyalobontši ke phošo, re a tseba. Eupša, go no bontšha ka fao re tswapogilego.

²¹¹ Ke swere ntsekana fale go tšwa pampiring, moo e bontšhago seo ge bašemane ba rena ba Amerika ba ile mošwamawatle, ka go ntwa ye ya mafelelo, gore godimo, ke a dumela, go bile go nyakile phesente tše masomešupa . . . Gobaneng, bjale, emang motsotso, ke a dumela e bile ba bararo go tšwa go ba bane ba ilego mošwamawatle, ba hladilwe ke basadibagatša ba bona pele ba bowa morago. Gomme hlogotaba ya yona e kgolo bogolo e re, “Go diregileng ka maitshwaro a batho ba rena ba Amerika?” Le elelwa le e bona? [Phuthego e re, “Amene.”—Mor.] Bohle ba lena le dirile, ke a thanka. “Go diregileng ka maitshwaro a basadi ba rena ba Amerika?” Dipolante, ba šoma ntle mošola le banna ba bangwe. Ke setšhaba sa mosadi. O ya go ba le eng? Modimo wa mosadi, goba modimogadi.

²¹² Bjale, gona, ka morago ga seo, ke retologile gomme ke lebeletše. Gomme ke bone United States ye e eswa boka mokubego, maswika a šwalalantšwe. Gomme e be e eswa boka mo—mo mokgobo wa mollo dikoteng, goba se sengwe seo se e tšhumilego. Gomme go bonagetše bokgole bjoo ke kgonnego go bona, gomme e be e rathagantšwe. Gomme pono e ntlogetše. Tše tlhano go tšwa go tše tharo di diregile . . . goba tše tlhano go tšwa go tše šupa, a ke re, di diregile.

²¹³ Gomme šefa e tla go dikologa le go bontšha. Gomme nako yeo ke akanyeditšepele. Ga sa nke ka re Morena o mpoditše seo, eupša, ke eme mosong wola ka kerekeng, ke rile, “Ka tsela ye kgatelopele . . .” Ke ile go le lengwe la mafelelo a leboto, gomme ke kitimetše go le lengwe la mafelelo a leboto. Ke rile, “Ka tsela yeo kgatelopele e kgatlampanganago, ke tla akanyetšapele gore nako . . . Ga ke tsebe gabaneng ke e bolela. Eupša ke akanyetšapele gore yohle e tla direga magareng ga bjale, 1933, le 1977.”

Gomme go se e tsebeng, Modimo o tseba pelo ya ka, ga sa nka ka e tseba go fihlela maabane, gore 1977 ke mogobo, gomme tlwa bokaalo bja nako ya go swana e fedilego yeo A e fago le Israele, le se sengwe le se sengwe mo bofelong. Kafao re mo . . . Gomme šefa re bofelong bja lebaka, mo go tleng ga beke ya bomasomešupa. Ga re tsebe ke nako efe yeo Kereke e tla bego e sepetše. Oo, nna! Re ka dirang, bagwera? Re go kae?

²¹⁴ Le bona se re lego bjale? [Phuthego e re, “Amene.”—Mor.] A le kwešiša beke ya bomasomešupa ya Daniele bjale? [“Amene.”]

Le a bona, bjale, ge re eya pele ka go Mahuto a le dilo, go buleng Mahuto a. La pele le tla pele, monamedi wa pere ye tšhweu, gomme o ne bora ka seatleng sa gagwe. Šetšang yo mothaka yo a lego. Šetšang pere yela ye tshehla ka morago ga gagwe. Le a bona? Šetšang yo a lego, gomme le lebelele ka fao

ba tsenago. Šetšang bale ba dikete tše lekgolo le masomenne nne ba tsena. Šetšang kgarebe yela ya go robala ge e etla godimo. Morago šetšang dilo tše tšohle tše di direga: go tšolleleng ntle ga Meruswi, Masetlapelo, meboya ye meraro ya go se hlweke boka digwagwa. Šetsang dilo tšela ka fao di lekanelago thwi ka go dikotlo tšela, tlwa ge di tšolletšwe ntle. Nako ye nngwe le ye nngwe ge Lehuto le butšwe, kotlo e tšolletšwe ntle, gomme tshenyego e a tla. Gomme šetšang se se diregago gonabjale mo bofelong.

²¹⁵ Gomme, oo, šetšang baprofeta ba bararo ba... goba baprofeta ba babedi ba, ge ba tsoga fa. Gomme mo bogareng bja beke, ba ripilwe ka mokgwa wola, gomme morago go thoma Ntwa ya Haramakedone. Morago Modimo o thoma go bolela, Yenamong, gona O eme le go thoma go lwa. Bona baprofeta ba otla lefase. Ba rera Leineng la Jesu Kriste. Ba kolobetsa ka tsela ya go swana. Ba dira selo sa go swana seo mapentecostal a pele, botate ba dirilego, gomme ba bantši ba a ba latela. Eupša bale ba ba hlakanetšego, mokgatlo wola, ba ile thwi tlase, gomme ebile le maatla a baprofeta bale ga se a e thuba. Gomme mafelelong ba rile, “Re tla e dira yohle mokgatlo o tee.” Gomme o tliša ka gare (ke eng?) makgapa, Boroma, go phatlalala ga selo ka moka, seo se dira go senyega. “Makgapa a a dirago go senyega,” go tliša se sengwe le se sengwe, “ditšila.”

²¹⁶ Elelwang, mme mmalegogwana wa kgale yoo a dutšego godimo ga sebata, a apere boka bohubedu, o bile le dihlogo tše ſupago le dinaka tše lesome. Le elelwa seo? “Gomme o bile le komiki ka seatleng sa gagwe, ya ditšila tša makgapa a gagwe.” Yeo e bile thuto ya gagwe yeo a e beilego ntle go batho. Gomme ke rena bale, baena ba ka. Re mo bofelong bja nako.

²¹⁷ Bana ba bannyan, ga sa nka ra tseba, re ka no se phele go tla morago gape bošegong bjo. Re ka no se tsoge re phetše go bonana seng gape. Ga ke tsebe. Eupša, bofelo bo hleng, bofelo bo kgaušwi. Lengwalo šele. Go no ba ka therešo, ka go phethagala, netefatšo ya Lengwalo.

²¹⁸ Bjale, ge eba go ne se sengwe le sa se kwešišago, nngwalele nnouto gomme anke ke tsebe ka yona. Le a bona? Bolelang se sengwe. Ba bangwe ba lena baena ntle fale ditheiping, ka dikarolong tše dingwe, ge eba go ne se sengwe nka le thušago, anke ke tsebe. Le ka no ganana le nna, gomme nka no ganana le mokgatlo wa lena; e sego lena, eupša tshepedišo ya mokgatlo wa lena. Ga ke ganane le batho ba Katoliki. Ga ke bolele gore ga ke rate batho ba Katoliki, ga ke rate go kgatlofatša batho. Seo ga se sona. Ke rata batho bohole, eupša ke ganana le tshepedišo yeo e le bofeletšego fase. Seo ke, tshepedišo ya ona. seo ke sona.

²¹⁹ Ke be ke se kgahlanong le Jeremane; e be e le Bonazi. Ke be ke se kgahlanong le Matareana; e be e le kgahlanong le bo—bo Bofasci. Gomme elelwang, ke dirile kakanyetšopele ye nngwe mo

nakong yela, feela kakanyetšopele, gomme bontši bja lena batala le a e elelwa. Ke rile, “Go ne diism tše tharo tše kgolo di lekago go swara lefase lehono: Bofasci, Bonazi, le Bokomonisi.” Gomme ke rileng? Di tla felelela tšohle ka go Bokomonisi.

²²⁰ Gona ke sa no bile le lena bohole go e bušeletša gape, “Beang mahlo a lena go Russia.” Le elelwa seo? “Beang mahlo a lena go Russia. Yohle e tla felelela ka go Bokomonisi.”

Gomme morago yohle e feleletše, mafelelong, ka go Bokatoliki. Elelwang, etla felelela ka go Bokatoliki mo bofelong bja nako. Yeo ke nnete tlwa. Moo ke Ntweng ya Haramagedone, thwi godimo *fa*, ge Kriste a etla, Yenamong.

²²¹ Eupša baprofeta ba bararo ba... Mengwaga ye e meraro le seripa ye, a ke re, yeo ke Dikutollo 11:3, le e badile makga a mantši, “Ke neela maatla go dihlatsé tša Ka tše pedi, gomme ba tla profeta matšatši a sekete makgolo a mabedi le masometshela.” Ke bokae ona, matšatši a sekete makgolo a mabedi le masometshela? Mengwaga ye meraro le seripa. “Gomme morago ba tla bolawa mo mokgotheng,” thwi mo gare ga beke ya bomasomešupa.

Le a bona, le bona moo dibeke tše masomešupa tša Daniele di lego? Le bona moo re phelago? [Phuthego e re, “Amene.”—Mor.] Re bofelong, bagwera barategi ba ka. Re bofelong. Matšatši... .

Ditšhaba di a thubega, Israele e a tsoga,
Maswao ao baprofeta ba a boleletsegopele; (Ke
rena ba.)

Matšatši a Bantle a badilwe, (*fa*) a tlaletšwego
ke dikgatelelo;
“Boang, O bašwalalanywa, gabon lena beng.”

A re e opeleng:

Letšatši la topollo le kgauswi,
Dipelo tša batho di palelwa ka letšhogo;
Tlatšwang ka Moya, mabone a lena a gotetše le
go bonagatša,
Lebelelang godimo, topollo ya lena e kgauswi!

Oo, nna! A seo ga se makatše?

Ditšhaba di a thubega, Israele e a tsoga,
Maswao ao baprofeta ba a boleletsegopele;
Matšatši a Bantle a badilwe, a tlaletšwego ke
dikgatelelo,
“Boang, O bašwalalanywa, gabon lena beng.”

Bjale mmogo.

Letšatši la topollo le kgauswi,
Dipelo tša batho di palelwa ka letšhogo;
Tlatšwang ka Moya, mabone a lena a gotetše le
go bonagatša,
Lebelelang godimo, topollo ya lena e kgauswi!

Anke ke le opelele temana ye nnyane.

Baprofeta ba maaka ba aketša, ba gana
Therešo ya Modimo,
Gore Jesu Kriste ke Modimo wa rena;

Ba Mo dira Motho tsoko wa boraro. Le tseba seo. Eupša, ga se Yena. Yena ke Modimo wa rena.

Eupša re tla sepela moo baapostola ba gatilego.

Ka gore letšatši la topollo le kgauswi,
Dipelo tša batho di palelwa ka letšhogo;
Tlatšwang ka Moya, mabone a lena a gotetše le
go bonagatša,
Lebelelang godimo, topollo ya lena e kgauswi!

²²² A ga la thakgala? Morago go Molaetša, ngwanešu! Morago go ya setlogo! Morago go pentecost! Morago go tšhegofatšo ya kgonthe! Morago go Leina la Jesu Kriste! Morago go kolobetšo ya Moya wo Mokgethwa! Morago go maswao le matete! Marago go pentecost! Kgole le mokgatlo! Morago go Moya wo Mokgethwa! Ke Yena Morutiši wa rena.

Ka gore letšatši la topollo le a batamela,
Dipelo tša batho di palelwa ka letšhogo;
Tlatšwang ka Moya, mabone a lena a gotetše le
go bonagatša,
Lebelelang godimo, topollo ya lena e kgauswi!

²²³ A seo ga se makatše? Mopropfeta o rileng? “Go tla tla nako ge go tla ba, o ka se kgone go re bošego goba mosegare.” Lebelela ka fao go bilego. Le a bona? Oo, gampe kudu, go kgabola mabaka a kereke!

Eupša go—go tla ba Seetša nakong ya mantšiboa,
Tsela ya go ya Letagong nnete le tla e hwetša;
Ka mo tseleng ya meetse go Seetša lehono,
E bolokilwe Leineng le bohlokwa la Jesu.
Baswa le batšofe, sokologang go dibe tšohle tša lena,
Moya wo Mokgethwa ka nnete o tla tsena ka gare;
Dietša tše tša mantšiboa di tla tla,
Ke ntsha gore Modimo le Kriste ke Batee.

Go tla ba Seetša (Gohle mmogo!) nakong ya mantšiboa,
Tsela ya go ya Letagong nnete le tla e hwetša;
Ka mo tseleng ya meetse go Seetša lehono,

E bolokilwe Leineng le bohlokwa la Jesu.
 Baswa le batšofadi, sokologang go sohle sebe
 sa lena,
 Moya wo Mokgethwa kgonthe o tla tsena.
 Gobane Dietša tša mantšiboa di tlie,
 Ke ntla gore Modimo le Kriste ke Batee. (E
 sego ba bararo; eupša Batee!)

²²⁴ Morago go Molaetša! Morago go mathomong! Morago go se Paulo a se rutilego! Morago go kolobetšo a kolobeditšego ka yona! O bone batho ba kolobetšwa ka mokgwa wo mongwe; o ba boditše go tla go kolobetšwa gapegape. O rile, “Ge Morongwa a etšwa Legodimong, a rerile e ka ba eng gape, anke A be morogakwa.” Kafao, ke morago go Molaetša gape, mogwera! Ke nako ya mantšiboa.

²²⁵ Oo, ke Mo rata kudukudu! A ga le? [Phuthego e re, “Amene”—Mor.] Ke ba bakae ba bonago beke ya bomasomešupa ya Daniele bjale, le go bona se beke ya bomasomešupa e lego? Ke ba bakae ba e dumelago? E reng, “Amene.” [“Amene!”] Amene! Tumišo e be go Modimo!

²²⁶ Bjale, selo sa go latela ke eng? Mahuto a Šupago bjale. Re rothela thwi ka go ona, ge Morena a tla dumelela. Go tla ba neng, ga ke tsebe. Feela e ka ba neng A e tlišago, gona re tla ya thwi ka go yona. Gona re ya go ba le ye telele, kopano ye telele, gobane e ya go tsea go tloga tema ya 6 go ya go ya 19, go e fetša, gomme go nokologa bjalo ka ge ke le ka yona.

²²⁷ Bjale, ga ke nyake e ka ba mang go tloga a kwešišeditše se thoko. Theipi e ya raloka. Ga ke nyake e ka ba mang go e kwešišetšathoko. Le se kwešišetšengthoko, le go re, “Ngwanešu Branham o rile Jesu o tla tla ka 1977.” Ga se nke ka bolela selo se sebjalo. Jesu a ka no tla lehono. Eupša ke akanyeditšepele gore magareng ga ’33 le ’77 se sengwe se tla direga, gore dilo tše tseo ke di bonego di direga, ka ponong, di tla direga. Gomme tše tlhano tša tšona di šetše di diregile. Gomme ke a dumela, ka dipomo tša diathomoo le dilo re nago bjale . . .

²²⁸ Gomme a le bone se Mopresidente a sa tšogo se bolela? Go nyakeng ntwa ye nngwe. O nyaka go dira mohlala go tšwa go—go tšwa go Berlin, o boletše. O nyakile go dira mohlala. Go ka reng ka Cuba fa ka mafuri a ren? Gobaneng go sa dire mohlala go tšwa go seo? Go reng ka seo? Oo, ke ditšiebadimo kudu! Le a bona?

²²⁹ Oo, ngwanešu, re no ba mo bofelong. Ba ya go . . . Go ya go tšwa feela ka tsela ye Modimo a rilego e be e le, kafao ke eng—ke eng mohola wa go dira e ka ba eng eupša feela go bala se A se boletšego, le go lokiša, le go ba komana bakeng sa yona. Le go mo dumelela go tla, gona. Re e letetše.

Re šeditše go tla ga Letšatši lela la mileniamo
la lethabo,
Ge Morena wa rena wa go šegofala a tla tla go
ubula Monyalwa wa Gagwe a letilego;
Oo, lefase le a tsetla, go llela letšatši lela la
tokologo ye bose,
Ge Mophološi wa rena a tla tla morago lefaseng
gape.

Oo, Morena wa rena o bowa lefaseng gape,
Ee, Morena wa rena o bowa lefaseng gape,
Oo, Sathane o tla tlengwa mengwaga ye sekete,
re ka se be le moleki nako yeo,
Ka morago ga ge Jesu a tla bowa lefaseng gape.

Ke ba bakae ba lego komana? Phagamiša seatla sa gago.
Oo, nna!

Oo, Morena wa rena o bowa lefaseng gape,
A re emeng le go šikinyana diatla seng sa rena.

Morena wa rena o bowa lefaseng gape,
Oo, Sathane o tla tlengwa mengwaga ye sekete,
re ka se be le moleki nako yeo,
Ka morago ga ge Jesu a tla bowa lefaseng gape.

Oo, Morena wa rena o bowa lefaseng gape,
Ee, Morena wa rena o bowa lefaseng gape,
Oo, Sathane o tla tlengwa mengwaga ye sekete,
re ka se be le moleki nako yeo,
Ka morago ga ge Jesu a tla bowa lefaseng gape.

Go tleng ga Jesu morago go tla ba karabo go
manyami le sello sa lefase,
Ka gore tsebo ya Morena e tla tlala lefase,
lewatle le lefaufau;
Modimo o tla tloša malwetši ohle gomme
megokgo ya tshotlego e tla oma,
Ka morago ga ge Jesu a tla bowa lefaseng gape.

Oo, Morena wa rena o bowa lefaseng gape,
Ee, Morena wa rena o bowa lefaseng gape,
Oo, Sathane o tla tlengwa mengwaga ye sekete,
re ka se be le moleki nako yeo,
Ka morago ga ge Jesu a tla bowa lefaseng gape.

²³⁰ Oo, nna! A ga le ikwele gabotse? [Phuthego e re, "Amene!
Haleluya!"—Mor.] Naganang, bagwera, ye ke pentecost, thapelo!
Ye ke pentecost. A re phaphatheng diatla tša rena gomme re e
ope leng. Batho ba pentecostal, yo mongwe le yo mongwe, bjale
lokologang, ntšhang bofomale bjola bja kgale bja Methodist go
lena bjale. Etlang pele, a re e ope leng!

Oo, Morena wa rena o bowa lefaseng gape,
 Ee, Morena wa rena o bowa lefaseng gape,
 Oo, Sathane o tla tlengwa mengwaga ye sekete,
 re ka se be le moleki nako yeo,
 Ka morago ga ge Jesu a tla bowa lefaseng gape.
 Oo, Morena wa rena o bowa lefaseng gape,
 (Beibebe e bolela bjalo!)

Morena wa rena o bowa lefaseng gape,
 Oo, Sathane o tla tlengwa mengwaga ye sekete,
 re ka se be le moleki nako yeo,
 Ka morago ga ge Jesu a tla bowa lefaseng gape.

Le a Mo rata? [Phuthego e re, “Amene.”—Mor.] Go lokile.
 Ke a Mo rata. *Ke a Mo rata*, Kgaetšedi Gibbs. Oo, a re no
 phagamišetšang diatla tša rena bjale go Yena.

Ke a Mo rata, ke a Mo rata
 Gobane O nthatile pele
 Gomme o rekile ya ka phol- . . . (Kaekae? Thwi
 fa mo Khalibari.)
 Godimo ga mohlare wa Khalibari.
 Ke a Mo rata (Letago!) Ke a Mo rata
 Gobane O nthatile pele
 Gomme a lefela phološo ya ka
 Godimo ga mohlare wa Khalibari.



BEKE YA BOMASOMEŠUPA YA DANIELE NST61-0806

(The Seventieth Week Of Daniel)

SERISI KA DIBEKE TŠE MASOMEŠUPA TŠA DANIELE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Agostose 6, 1961, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org